



BODOSA ★ A Bodo News Daily ★ Friday ★ 25 August, 2023 Kokrajhar, BTC, Assam ★ Vol.- 33, Issue No. 151 ★ R.N.I.Regd. No. 40994/91, Assam Govt.Regd.No.IPRD.40/2006/3, ★Rs.8/-

मुदांखा रेडिअ आर्टिस्ट महत चन्द्र बसुमतारिआ रुंसारि जाबाय

कक्राझार, 24 आगस्ट: दुबुनाथाव खौरां सासे मुदांखा आरो गागि रेडिअ आर्टिस्ट महत चन्द्र बसुमतारिआ रुंसारि जाबाय। दिनें 24 आगस्ट, 2023 इ बृहस्पतिवारखालि सान्जौफुनि 12:00 रिगायाव बिथाख गवनि कक्राझाराव थानाय आंगो न'आव जोबथा हां बोयो। थैनाय समाव बिथाख गवनि अनजालि बिसि इलाबतिजों लोगोसे सारै फिसज्ला, साथाम फिसाजो, साथाम बिहामजोफोरनि अनगायैबो फिसौज्ला-फिसौजो आरो नख र'नि गासै बाय-बाहागि, लोगोफोरखों नागरानां बे संसारनिफ्राय अरायसमनि थाखाय आनत्राय लांबाय। मख जाथावदि, बिथाख बाकसा जिल्लानि रुपहि हासरायाव थानाय 1944 माइथायाव जोनोम मोन्दोमोन। बिथाख सेंग्रा समनिफ्रायनो कमासियेल आर्ट सोलोनार्यनि असिलायै कक्राझार सहरआवनो गोबाव बोसोराडै इलाबतिजों ग्रें-ग्रें राइजो काफैदोमोन। सानाय बायदियै रुंसारि महत बसुमतारिआ बै समनि कक्राझारनि मुदांखा फाइन आर्टिस्ट सरत नाजोरिनि आवथायाव थानाय कक्राझार सहरनि चित्रलेका आर्ट स्टुडिआव गोबांथार बोसोर आरिमु (आर्ट) सोलोनानै (□ 5 बिलाइआव)



सानसेयारि बड'सा

गुवाहाटी, 24 आगस्ट: आसामनि गिबि मन्थि रू हिमन्त बिश्व शर्मा आ दिनें राइज्यो बेंगिरि गुलाब चान्द काटारियाखौ राज भवनआव लोगो हमनानै राइज्योनि सोलिफु थासारिनि सायाव माखासे गोनांथार आयदाफोरखौ लानानै गुवाँरे सावरायज्जायदों। सानै दैदेनगिरिनि गेजेराव जर'खायै सोलिफु समाव राइज्योनाडै सोलिफलेबाय थानाय गोबांथार जेना-जेसि आयदा आरो सरकारि बिथांखिफोर मावफुनायनि जौगालु थासारिनि आयदाखौ लानानै सावरायदों होनानै राज भवननिफ्राय रादाव बिबुंसारिनि गेजेरजों मिबिथिहोहरदों। राज



Total Cases on JE/Dengue/Malaria, Assam (From 1st Jan 2023 to 24th Aug 2023)					
JE	441 cases, 26 deaths, CFR=5.9%	Dengue	3829 cases, 4 deaths, CFR=0.1%	Malaria	283 cases, 0 deaths
JE/Dengue/Malaria Positive Cases on 24.08.2023					
District	JE	District	Dengue	Malaria	0 Case
Bongaigaon	1	Dima Hasao	18		
		Golaghat	4		
		Hojai	5		
		Karbi Anglong	55		
		Sonitpur	1		
		TOTAL	84		

गिबि मन्थिआ सरकारि जौगालु थासारिनि सायाव राइज्यो बेंगिरिजों सावरायज्जायदों

भवननिफ्राय रादाव बिबुंसारि गेजेरजों मिबिथिहोहरनाय बायदिब्ला, गिबि मन्थि शर्मा आरो राइज्यो बेंगिरि काटारियानि गेजेराव जर'खायै सोलोनार्यनो लाफानानै सोलिफु राइज्यो सरकारआ राइज्यो नाडै गुबुन गुबुन जौगालु थाखोनि बिथांखिफोर मावफुनो लानाय आयदानि सायावबो सावरायज्जायदों। बे सावरायनायाव राइज्यो बेंगिरि काटारियाआ दासान्दि, राइज्योनि गासै हारि-माहारिनि थाखाय गासै बिथिडव थाद'नाय गैथै समान जौगाथाय आरो सुबुं अन्साइलु खामानि मावबाय थानायनि थाखाय गिबि मन्थि रू हिमन्त बिश्व शर्माखौ बाख्जायो। (□ 5 बिलाइआव)

शासनबंश महातेरानि रुंसारि जानायाव गिबि मन्थिआ दुखु फोरमायदों

दिसपुर, 23 आगस्ट: बौद्ध धोरेमगुरु भदन्त धर्मरत्न रू शासनबंश महातेरानि रुंसारि जानायाव आसामनि गिबि मन्थि रू हिमन्त बिश्व शर्मा आ गोथौयै दुखु मोनाय फोरमायदों। गांसे दुखुनि बिबुंसाराव गिबि मन्थि रू शर्मा आ बुंदोदि, आसाम आरो सा-सान्जा भारतआव आध्यात्मिक जिउ (□ 5 बिलाइआव)

तामलपुर प्रेस क्लबनि बोसोनगिरि, गागि खौरांगिरि दिजेन्द्रनाथ पाठकआ जोबथा हां बोबाय



तामलपुर, 24 आगस्ट: तामलपुर महकुमानि सिडव थानाय कुमारिखाता खैराबारिनि थागिरि, तामलपुर प्रेस क्लबनि बोसोनगिरि, गागि खौरांगिरि, आजिरा मोन्नाय गुण गोनां फोरंगिरि दिजेन्द्रनाथ पाठकआ जोबथा हां बोबाय। दिनें (□ 5 बिलाइआव)

चिरां जिल्लानि सान्तिपुर लावखिगुरि गामियाव फिन गिथाव महरनि दै बानानि थासारि

गोबां गामियारिफोरा न' नागारनानै हालाय-हाफाय, नख'रनि धोन ख'हा

बड'सा थान्दै/बंटल, 24 आगस्ट: चिरां जिल्लानि सान्तिपुर हालामनि लावखिगुरि गामियाव भुटान राइज्योनिफ्राय बोहैख्खायबोनाय बुहुर दैसाया लोमसावफै नायजों गामिनि सुबुं फोरा हालाय-हाफाय जानांदों। बोसोरफोमबो दै बानानि खैफोदजों मोगा-मोगि जानांनाय बे गामिनि थागिबि राइजो-राजाफोरा बे बोसोरावबो दै बानानि जेनानिफ्राय बारग'नो हायाखिसै। थानाय



साननैसोनिफ्राय थाद'नाय गैथै जुब-जुब अखा हाबाय थानायनि जाउनाव भुटाननिफ्राय बोहैख्खायबोनाय बुहुर दैसानि दैआ गिथाव महरै देरबोनायाव लावखिगुरि गामियाव लोमसावफैदों। जाउनाव न' (□ 5 बिलाइआव)

माइनाव सोरां बिथांखि-2023 नि रांखान्थियारि अन्सुंथाय गथायदों

मोन 81 गावसुंथा आफादफोरनि रांखान्थियारि अन्सुंथाय गथायदों

2012 माइथायनि गोजौसिन बिजिरसालिनि बिथोन बादियै बिटिआरआव होखारस्रानाय जादों: कातिराम बर'

सालबारि, 24 आगस्ट: बिटिआरनि गाहाइ मावफुं सोद्रोमा प्रमद बर'आ फोसावना होनाय बायदियै मोनसे बिथांखिखौ गथायना होनाय जादों। बिसायख'थिनि सिगां बिटिआरनि गाहाइआ आइजोफोरखौ जौगाखां (□ 5 बिलाइआव)



2004 धेमाजि बमा बेरफुनाय गासै दायनिगिरिखौ गुवाहाटी हाइ कर्टआ दायनिफ्राय रेहाय होबाय

गुवाहाटी, 24 आगस्ट: थानाय 2004 माइथायनि 15 आगस्ट, थामहिनबा हादतनि उदांसि सान। जाय सानआ आसामनि थाखाय मोनसे गोसोम सान जानानै थाबोदों। मानोना बैसानखालि धेमाजिआव मोनसे बमा बेरफुनाय जाथाया सोमजिहोदोंमोन। जेराव उन्दै-

उन्दै फरायसाफोरखौ लाफानानै गासै सा 18 सुबुंफोरनि जिउ ख'हा जादों। जिउ ख'हा जानाय फरायसालिनि गथ'फोरनि बैसोआ 12-14 बोसोरनि गेजेरावमोन। बे बमा बेरफुनाय जाथायाव लोब्बा थानाय गोबां (□ 5 बिलाइआव)

सेवा भारतीनि बोसोरारि जथुमाव बाहागो लादों राइज्यो बेंगिरिआ

सेवा भारती कामाख्या नगर चेरिटेबल आरो धर्मिक ट्रस्टनि गोदान हस्तेलखौ बेखेवबाय

गुवाहाटी, 24 आगस्ट: सेवा भारतीनि बोसोरारि जथुमाखौ दिनें साननैसोनि मेहेरगोनां हाबाफारिजों खुंफुनाय जायो। बे हाबाफारियाव आसामनि राइज्यो बेंगिरि गुलाब चान्द काटारियाआ गाहाइ आलासि महरै बाहागो लादों। दिनेंनि बे बोसोरारि जथुमा हाबाफारिनि लोब्बायैनो सेवा भारती कामाख्या नगर चेरिटेबल आरो धर्मिक ट्रस्टनि गोदान लुफुनाय हस्तेलखौबो बेखेवनानै होयो राइज्यो बेंगिरिआ। हाबाफारियाव बाहागो लानानै गावनि बिबुंथिनि (□ 5 बिलाइआव)



कक्राझारआव बि पि एफनि दोलोयारि मावफुं मेल खुदों फैगौ लकसभा बिसायख'थियाव एनडिए आरो इन्डियाजों बिपिएफ दोलोआ लोगोयारि जाया: हाग्रामा महिलारी

कक्राझार, 24 आगस्ट: फैगौ 2024 नि लकसभा बिसायख'थियाव बिपिएफ दोलोआ कक्राझार आरो दर-उदालगुरि मोनैबो लकसभा बियावआव हारसिडै दोलोयारि बिजाथि फसंगोन। लोगोसे फैगौ लकसभा बिसायख'थियाव एनडिए आरो इन्डियाजों लोगोयारि जानाय नड बिपिएफ दोलोआ। दिनें बेबायदि बिबुंथिखौ बिपिएफ दोलोनि



आफादगिरि आरो बिटिसिनि बारस' गाहाइ मावफुं सोद्रोमा हाग्रामा महिलारीआ होदों। कक्राझार सोहोरनि तितागुरि इरागदाउ भवनयाव दिनें सालाकाटि ब्लक बिपिएफनि

हारसिडै ल' बिसायख'थि बादायलायनायनि गोहो दड।' बे बिथिडव मा बिजेपि, मा कंग्रेस, मा अगप आरो मा एआइएडिएफ जोडो जायखि-जाया दोलोजों लोगोयारि जाया। बेथो रोखा होनानैबो हाग्रामा महिलारीआ बुडो। बिथाख कक्राझार लकसभा बियावआव बिपिएफ दोलोआ देरहानायनि अनगायैबो देहानो (□ 5 बिलाइआव)



हिसाबे 25,000 रांखो गोबां बियाबनि सिडाव थानाय सेल्प हेल्प गुपफोरनो दिमाकु चि हाथाइ रानगासिनो थानायखौ नुनो कमप्लेक्सआव मोनसे मेहेरगोनां मोन्दों। दिनेंबो भेरगाव (□ 5 बिलाइआव)

बडाइगाव रिफाइनारिनि बान्जायनायाव आरहन बिथांखिनि सिडाव रिफाइनारिनि प्लेन्टखौ नायगिदिहैनाय हाबाफारि खुदों



बासुगाव, 24 आगस्ट: बडाइगाव रिफाइनारिनि चिरां जिल्ला खुंथायनि हेफाजाबाव 'आरहन बिथांखि'नि सिडाव मैया थाखो 9 नि फरायसाफोर आरो फोरंगिरिफोरखौ रिफाइनारिनि प्लेन्ट दिन्थिनाय एबा दावबायहोनाय हाबाफारि खुदों। हाबाफारिनि जागायजेनायावनो बिजिआरनि लेडाइ गाहाइ बिथोनगिरि (रेखाथि) मुसुखा बर'आ फरायसाफोर आरो फोरंगिरिफोरखौ थांखिनानै बराय बिबुंथि होदों। चिरां जिल्लानि लेडाइ जिल्ला बेंगिरि अरुप चौधुरीआबो हाबाफारियाव बिबुंथि होनानै फोरयासाफोरखौ रिफाइनारिखौ दिन्थिनाय आरो दावबायनार्यनिफ्राय गियाय आजिनो खावलायो। चौधुरीआ फरायसाफोरखौ (□ 5 बिलाइआव)

सुजुगिरिनि खोलोम ना-साम' खांखाइ

सिगां समफ्राव हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फे, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थनानै दै सोनानै आबादिनि थाखाय गाहाम खलामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फे बिलो आरो ओर्रो बोहेलांगारनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पल' फोरजोनों सानानै हमनानै सल, बार्लि, नाफ्राइ, बोथिया, सिंगि-मागुर, थुरि-बामि, फिथिखि-मावया ना एगे-बेगे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दंसे टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजोनों ना ओंखिनि आइटेमखो फोलोमनांगो जानानै फेयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगोयासो गोब्राब जानानै फेबाय। नानि आंखाल फोलोमनो राइज्योयाव बोसोर बोसोर गुबुन गुबुन राइज्योनिफ्राय लाबोनाय नानि आंखालखो फोलोम फेनाय जायो होनानै मिबथि मोनो।

ना-साम'-खांखाय गोमालानायनि जाहोन एबा जोबनानै थोब्ले-मब्ले जानायनि गुदिरखो गोबाडनो बाइदिसिना जाहोन आरो बिजाउन होनानै फोरमायबोदों। बेफोरनो जाहैबाय दैसा-जाम्फे, बिलो, हाख 'र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालानायजों लोगेसे बेफोरनि बांसिनो दड्ढलाबो दै गैयै थायै जानानै फेनाय। दै गैयाब्ला ना-साम'-खांखायफ्रा बबेनिफ्राय थाफेनो आरो बोरै फोलेर एर्रो। फासैथि मिथिंगा बिखायाव सिगांनि बादि अखादेंजों आबुं जानानै थालिया। दैज्जां बोथोराव अखा हानानै थानाय दैयाबो दैज्जां बारनाय लोगो-लोगोनो राननानै गोरान जालाखे।

गुबुन मोनसे जाहोनखो दैज्जां हाबनाय लोगो लोगो अखा हादैनि जावरिनायजों जेराव बिलो, दैसा-जाम्फेफोर दं बेफोर दैसा बिलोफ्राव फुवान होनाय ना आरो बिदे गोनां नाफोरखो गोबों जेजों बोखोनाय आरो मुलि-बिपो होनानै हमनायाव नानि जोलेर एरनायाव हँथा फेनायखायनो ना-साम' खांखायनि बिबाड सानफा-एफायेनो बाडय जाबोनानै आंखालनि महर लाफेदों। मिथिंगा बिखाया बिफां-लाइफां, हाग्रा-बंग्राजों थाजिम सोमखे महरे थायोब्लासो अखा-बांखा हानाय आरो बेसोमुथि बिखाया थाजिमै-थानो हागोन। अब्लासो दैसा, बिलो हाख 'र, हाला, जाम्फेफ्रावबो दै बोहेगोन-ना साम', खांखाय आरिफ्राबो दैयाव थानानै फोलेर एरहोनायनि खाबु मोनगोन अब्लासो फारफ्रोम बिथिनि थाथाया सरासन्नायाव फेफिनगोन। ना-साम'-खांखायनि आंखालखोबो एफा-एनैयै फोलोमनायनि लामा मोनफिननायनि राहा थाहेगोन।

दिनैनि फान्जामुथि

राशि बाइदियै मुनि गिबि हांखो
मेघ : अ ल बृष : ऊ ब (उ ए इ) मिथुन : क छ (ङ ङ)
कर्कट : ड ह सिंह : म ट कन्या : प ठ (ण ष)
तुला : त र वृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया बबेबा खामानिफ्राव हँथा मोन्नो हागौ। सान्नाया जाफुनाय नडा।
- बृष:** माबा मोनसे रँगथिनि थाखाय मुदांखा जानो हागोन। गोजेन्नाय मोनगोन। मोजों सान।
- मिथुन:** रंखाविरि लोरखों जानायाव गोहो-बोलो मोन्नो हागोन। मोजों सान।
- कर्कट:** सोरजोंबाफोर बायदिसिना होनानै सोंखारि जानो हागौ। गोसोखों ह्यथानानै थानाया गाहाम।
- सिंह:** जेखियानो बादाय देरहासार जानो हागोन। बादायरिनि थाखाय गाहाम सान।
- कन्या:** गोसोखों मानोबा गोजेन्नाय गैयै मोनगोन। जेखि जाया गोसोखों लोरखों लानो नाड।
- तुला:** गुबुननि थाखायनो सोरजोंबा मुं सुजानो हागौ। गोसोआव दुखु मोन्नो हागौ। गोसो ह्यथा।
- वृश्चिक:** जेखियानो फालांगि माबा मुलाम्फा मोन्नो हागोन। मोजों सान।
- धनु:** नख 'रनि बायदिसिना नांगौनि थाखाय रं खर'सा खालामनांगोन। जानला-मोनलायाव बाहायनो नडा।
- मकर:** 12 रिगानि उनिफ्राय माबाफोर ख'हा जानो हागौ। सांग्रां जानांगोन। थासारिया मोजों नडा।
- कुम्भ:** हरखाबै माबाफोर मुवा-बेसाद मोन्नो हागौ। गोजेन मोनगोन। मोजों सान।
- मीन:** बायदिसिना मुवा-बेसादिनि नांगौ जानायनि लबिया जानाया बांगोन। गोसो ह्यथानानै सोलिनांगोन।

राहुल गान्धीआ 12 तुगलक लेन बांग्लाखौ लानो नेवसिदों



गोदान दिल्ली, 24 आगस्ट : राहुल गान्धीआ गावनि गोजाम बांग्ला 12 तुगलक लेनखौ लानो नेवसियो। हाउसिं कमिटिनो फिननाय होनानै बिथाडा बुडे, आथिखालाव बियो गावनि गोजाम बांग्लाखौ लानो लुबैला। आथिखालाव बिनियाव गंने गंधाम न'नि अफान दड, जायनि गेजेराव बियो गंसेखौ थाबैनो फाइनाल खलामगोन। बावैसो समनि गेजेराव राहुल गान्धीआ गावनि बिनावा प्रियंका गान्धीजों लोगोसे 7 सफदरज लेनाव थानाय बांग्लाखौ नाइनो थांदोंमोन। सुलुडव फोरमायनाय बायदिव्ला, मदिआ सारमेन केसाव सुरतिनि गाहाइ बिजिरसालिनि थांखिनि उनाव बनि एमपिआ गोमादोंमोन। सोद्रोमा जोबनायनि उनाव बियो 12 तुगलक लेन बांग्लाखौ खालि खलामनांदोंमोन। आथिखालाव सुप्रिम कर्टनि थांखिनि उनाव बनि सोद्रोमाखौ सोलिहोफिननाय जायो। राहुल गान्धीआ मिरु सरकारनि सायाव नोजोर होनानै बुंदोंमोनदि, सरकार आलादा-आलादा राहाजों बिसोरनि बाशा बुंनायखौ गादबनानै दोनानयनि खामानि मावयो। हादतनि सुबुंफोर बिसोरजों लोगोसे दड आरो बिसोर सुबुंफोरनि बाशा बुडे। दिनें हादतयाव गोसो बायनायनि थासारि सोमजिदों। बे बाशाखौ बिथाडा भारत दाववायनाय समाव मोन्दांदों। सरकारनि नेम-खांथिफोर माखासे जर'खा सुबुंफोरनि मुलाम्फासिम सिमना गोनां आरो बेनि गोहोमखौ नुनोबो हागौ।

जापानआ फुकुशिमा निउकिलयार प्लान्टनिफ्राय दै हगारदों



टकिय, 24 आगस्ट: जापानआ बृहस्पतिवारखालि फुकुशिमा गुन्दासा मोब्लिब प्लान्टजों दै हगारनायखौ जागायबाय। अदेबानि जापानआ बेखौ रैखाथि गोनां होनानै बुंदों। नाथाय बेनि सायाव चीनआ गिदिर फिनजाथिया होदों। बेराफासँ फुकुशिमा धर्नानि समाव खोला करियाआव जानाय जापाननि थानै मावख'आव हाबनो नाजायो। जायनि उनाव खमैबो सा 14 सुबुंफोरखौ हमनाय जायो। माखासे बोसोरफोरव गासै मोन 540 अलिम्पिक सुइमिं पुलनि दैखौ प्राशांत लैथोमायाव हगारनो जागायनानै मुलुगनि बयनिखुइ गात्रिसिनु गुन्द्रासा जाथायफोरनि गेजेराव मोनसेखौ 12 बोसोरनि उनावबो गिखंथावसिन अलखद गोनां साइटखौ बन्द खलामनायनि फासँ मोनसे गिदिर थांखि। इउएन गुन्द्रासा नोजोर होग्रा फसंथान, जाय बे बिथांखिखौ मदद खालामो, बेयो मनिटरआ बे हाबाफारिनि थाखाय


मिरु मन्थि अमित शाहआ दिल्लीआव सावरायनो लिंहरदों

गोदान दिल्ली, 24 आगस्ट: मिरु मन्थि अमित शाहआ मनिपुरनि गिबि मन्थि एन बिरेन सिंजों लोगोसे राइज्योनि बिजेपिनि आफादगिरि अधिकारिमायुम शर्दा देबिखौ हादरनि रजथावनि दिल्लीआव लोगो हमनो लिंहरदों। मिरु मन्थि शाहआ गिबि मन्थि सिंजों लोगोसे गावनि केबिनेट मन्थिफोरजों लोगोसे राइज्योनि बिजेपि दोलोनि सिफ शर्दा देबिजों बृहस्पतिवारखालि लोगो हमज्जायनो हागौ। मनिपुरआव एसेमब्लि सिजन सोलिनायनि सिगांनो मिरु मन्थि शाहआ गिबि मन्थिजों माखासे आयदानि सायाव गुवोर सावरायनो हागौ। मनिपुर एसेमब्लि सिजनआ फेगौ 29 आगस्टनिफ्राय जागायगोन। जायनि थाखाय गोबाडनो राइज्योआव बेरेखा दोलो जर'खायै कंग्रेस दोलोनिफ्राय बिरेन सिं-बिजेपिनि सरकारजों दैदेनजानायनिमिरु राइज्योआव सोलिनाय हारियारि दाडा-बाजिनि सायाव सोंथि दैखानानै गाग्लोबगोननि मिजिंथिदों। गिबि मन्थि बिरेन सिंआ बेनि सिगांनो दाबि दैखानानै



फोरमायनाय बादिव्ला, मिरु आरो मनिपुर सरकारनिफ्राय राइज्योआव सोमजिनाय हारियारि दाडाबाजिखौ राजखान्थि बिथिंजों सुखानायनि थांखि लानायखौ फोरमायदों। मख'नो गोनांदि, मनिपुरआव थांनाय 3 मेनिफ्रायनो सोमजिनाय कुकि आरो मैतेइ हारिनि गेजेराव दाडा-बाजिआ दासिमावबो सुखानायनि लामायाव फेयाखै। जाउनाव दासिमावबो राइज्योनि सिडव हिंसायारि जाथायाव सुबुंफोरनि जिउ गोमानाय रेकडआ थिसनजायो। बेनिनो सायाव गिबि मन्थि बिरेन सिंआ राजखान्थियारि लामाजों बेखौ सुखानो हागोननि मिजिंथिदों आरो राइज्योआव सरासन्ना थासारि फेफिनगोननि मिजिंथिनायखौ फोरमायदों। मख'नो गोनांदि, राइज्योआव सोमजिनाय हारियारि दाडा-बाजिआव दासिमआव सा 150 निबो बांसिन सुबुंफोरा जिउ खोमानांबाय आरो गोबां सुबुंफोरनो गावसोरनि जायगाफोरखौ नागरानांबाय। जायनि जाउनाव मनिपुर सरकारआ गोजेन थासारिनि थाखाय थांनाय माखासे गोलाव समनिफ्रायनो हानायमानि नाजागासिनो दड होन्नानै गिबि मन्थिआ फोरमायदों।

भिजयभाइनि गंसे बाइक स्वरुमआव गिखंथाव अर खामदों



भिजयभाइ, 24 आगस्ट : आन्ध्र प्रदेशनि भिजयभाइयाव बृहस्पतिवारखालि मोनसे बाइक स्वरुमआव गिखंथाव अर खामनायजों गासै 300 साखा खबनै गारिया सेवहंगार जादों। अर खामनायाव रावनिबो जिउ ख'हा जायाखै। सन्देह' खलामनाय बायदिव्ला बेयो मोब्लिब शर्ट साकिटनि जाहोनाव जादों। चेन्नाइ-कलकटादिनि राजा-लामा खाथियाव थानाय केपिनगोन ओन्सोलाव बृहस्पतिवारखालि फुनि टिभिएस स्वरुम आरो गुदामआव अर खामदों। पुलिसनि बायदिव्ला अरआ स्वरुमनि गिबि थालानिफ्राय जागायदों आरो थाबैनो खाथिनि गुदामसिम गोसारदों। रैखाथि मावसुमाफोर अर खोमोरा मावसुमाफोरनो खोंरं हरो आरो गं 5 अर खोमोरा गारिफोर जाथाइसालियाव फेयो। बिबानिगिरिफोर फोरमायदोंदि, प्रि-फेब्रिकेटेड स्ट्रक्चरनि जाहोनाव अरआ गोखैयै गोसारदों। गुदामआव इलेक्ट्रिक साखा खबनै गारिफोरखौबो दोननाय जादोंमोन जायजों अरआ बांसिन गोसारो। स्वरुम, गुदाम आरो सांभिस सेन्टरआ मोनसे जायगायावनो दंजोबोमोन, बेनिखायनो बेवहाय गोबां अन्जिमनि साखा खबनै गारिफोरखौ दोन्नाय जादोंमोन। बेयो भिजयभाइ आरो जुथाइ कृष्णा जिल्लयाव टिभिएस गारिफोरनि जर'खा जायगामोन। पुलिसआ केस थिसननानै नायबिजिरनायखौ जागायबाय। बिबानिगिरिफोर सन्देह खलामनाय बायदिव्ला जेव्ला माखासे इलेक्ट्रिक साखा खबनै गारिफोरखौ चार्ज होदोंमोन अब्ला मोब्लिब शर्च साकिट जादों। स्वरुम बिगोमाया 15 कौटि रं ख'हा जानायखौ हमदादों।

इरानआ गावसोरनि डूननि गोहोखौ बांहोगासिनो दड

इरान, 24 आगस्ट : इरानआ गोदान डूननि गोहो महरे ओंखारबोदों। आमेरिका आरो इज्राइलनि सुथुर इरानआ गावनि डून गोहोखौ गोखैयै बांहोगासिनो दड। थांनाय मंगलबारखालि इरानआ महाजिर-10 डूनखौ बेखेवयो, जायनि गोहोआ गोमोथाव। बे डूनआ इज्राइलसिम दावहा नांनायाव जाफुंसारनो हागोन। लोगोसे बेयो लांथियै 24 घन्टासिम उरायनो हागौ। इराननि बे डूनआ आमेरिकानि एमकिउ-9 डून बायदि। बेयो 7 रोज मिटारनि गोजौआव बिरनो हागौ। इराननि मिडियाआ मंगलबारखालि मोनसे पस्टरबो फोसावयो। बेयाव डूनखौ इज्राइल निउकिलयार फेसिलिटि डिमनानि सायाव उरायनाय नुनो मोनगासिनो दड। इरानआ गिबि खेब मोनसे गोदान रोखोमनि डूनखौ मुलुगनि सिगाडाव दिन्थियो। बेनि



गेजेरजों इरानआ गावसोरनि गोदान डूनआ इज्राइलसिम गाग्लोबनायाव जाफुंसारनो हागोन होनना दाबि दैखदों। बेनि मुडा मुहाजिर-10 डून। इराननि रैखाथि बिफान आरो आम्डे फसँज लजिस्टिकआ मंगलबारखालि डिफेन्स इन्डास्ट्री डेनि सानाव खुंनाय डिफेन्स एक्सप'नि समाव मुहाजिर-10 डूनखौ बेखेवयो। बेखौ बेखेवनाय समाव इराननि हादतगिरि इब्राहिम रायसिआबो बाहागो लायो। इराननि मुहाजिर-10 डूनखौ आमेरिकानि एमक्वू-9 रिपार बायदि नुयो। बेखौ गंसे सिनायमोनै उरां गाथोनाव बिरखलायनाय नुनो मोन्दों। मुहाजिर-10 डूनआ 300 किल'ग्राम (660 पाउन्ड) नि हाथियाखौ लानो हादों। बेयाव माखासे रोखोमनि मिसाइलफोर आरो बमआ दंफायो। लोगोसे बेयो बांसिन घन्टयाव 210 किल'ग्राम स्पीडजों उरायनो हागौ।

काठार इन्भेस्टमेन्ट अथ'रिटिआ रिलाइन्स रिटेलआव इन्भेस्ट खालामबाय

गोदान दिल्ली, 24 आगस्ट: रिलाइन्स इन्डास्ट्रीसनि रिलाइन्स रिटेल भेन्सास लिमिटेड (आरआरभिएल) आव काठारनि सरकारि इन्भेस्टमेन्ट फान्ड काठार इन्भेस्टमेन्ट अथ'रिटि (किउआइए) आ गावनि आबु गावयारि साब्सिडीनि गेजेरजों 8,278 कौटि रं इन्भेस्ट खालामगोन। रिलाइन्स इन्डास्ट्रीसआ शेयार बाजारनो

कौटि रं। बे इन्भेस्टमेन्टजों कि उ अ इ ए अ आरआरभिएलआव 0.99 जौखोन्देनि माइनि रिटि इक्इटी शेयार मोन्नो हागोन। रिलाइन्स इन्डास्ट्रीसहा हादरनाडे 18,500 नि बांसिन स्टर दड। आरआरभिएलनि डिरेक्टर इशा आम्बानीआ बुंदों, रिलाइन्स रिटेल भेन्सासआव सासे इन्भेस्टर महरे किउआइएखौ बरायो। आरआरभिएलखौ गंसे

मुलुगनां फसंथान बानायनायाव किउआइएनि मुलुगनां मोन्दांथि आरो भेलु क्रिएसनआव गोखों रेकडनिफ्रायबो मुलाम्फाखौ हास्थायो। बे खाबुआव किउआइएनि सिइए मन्सुर इब्राहिम अल महमुदआ बुंदोंदि, किउआइएआ भारतनि गोखैयै बांभोनाय रिटेल मार्केटआव गोजौ थाखोनि जौगा होनायाव कम्पानीफोरखौ मदद होनो थाखाय बिबान दड।



बिजेपि दैदेनगिरिफोरनि गेजेराव दान्थे-बिदान्थेखौ गिबि मन्थि शर्माया नेवसिदों

गुवाहाटी, 24 आगस्ट : आसामनि गिबि मन्थि हिमन्त बिश्व शर्माया बिजेपिनि गोदान आरो गोजाम सोद्रोमाफोरखौ लानानै सोमजिनाय दान्थे-बिदान्थेखौ नेवसिगारदों। बिथाड बुंदोंदि, गाहाइ मन्थि नरेन्द्र मदि आरो बिजेपिनि माहारियारि आफादगिरि जेपि नडडाया रोखा खालामना होदोंदि, कंग्रेसनिफ्राय उदां भारत दानो थाखाय जायखि-जाया सुबुंआनो मिसकल हरनानै बिजेपिआव बाहागोयारि जानो हागोन। गिबि मन्थि या आसामआव बिजेपिनि माखासे गोजाम दैदेनगिरिफोर आरो बावैसो सिगानि सानफोराव पाटिआव जयेन्ट जानाय सुबुंफोरनि गेजेराव फिनजाथाइ होलायनायनि गेजेराव बे बिबुंथिखौ होयो। शर्माया बुंवावदोंदि, गावनि सिगां



बिजेपिआव हावनाय बारग' गिबि मन्थि शर्मानन्द सन'वाल, मणिपुरनि गिबि मन्थि एन बिरि सिंह, अरुनाचल प्रदेशनि गिबि मन्थि पेमा कान्डु, सोनाब बंग बिधान सभायाव बेरेखा दोलोनि दैदेनगिरि युकेयु अधिकारि आरो कर्नाटकनि बारग' गिबि मन्थि बसवराज बम्माइनि अनगायै बिथाडा गावबो बिजेपिआव गोदानै हावनाय दैदेनगिरि। बिजेपिनि आसाम राज्ज्यो आफादआव नुजाथिनाय माखासे

दान्थे-बिदान्थेजों लोब्बा गोनां सोंथि खालामनायाव बिथाडा गोदान आरो गोजामनि बिजेपिआव जेबो बाश्र गैया होना बुडे। पार्थिनि गेजेराव बेबायदि सानाय थानायमोनब्ला सन'वाल आरो बिथाडा गिबि मन्थि जानो हागोमोन नामा होनानैबो सोंथि खालामदों। आसामनि गिबि मन्थिया दाबि दैखाना कुंसेदि, गोदान आरो गोजाम सोग्रामनि बाश्र कुंया बिजेपिनि नख, कंग्रेसनि मोनसे सोलो खालामनायसो।

हिमाचलनि मोनब्रै जिल्लाफोराव अखानि रेड एलाट



हिमाचल प्रदेश, 24 आगस्ट : हिमाचल प्रदेशआव थानाय हरव गोबां अखा हानायनि उनाव हा गिसिखानाय जाथाइफोराव साब्रै सुबुंफोरनि जिउ ख'हा जायो आरो माखासे न'फोर सिलिखार जायो। राइज्योआव गोबां अखाजों मोन 200 निखुइ बांसिन लामफोरा थाबथायो। बिबानगिरिफोरा थानाय बुधबारखालि बेनि खौरं होयो। बोथोर बिफानआ फैगौ 24 घन्टा नि समाव राइज्योनि मोन 12 नि गेजेराव मोनब्रै जिल्लाफोराव गोबां अखा आरो माखासे जायगाफोराव गोबांथार अखा हागोनखौ हमदादों। बेखौ नोजोर होनानै राइज्योआव रेड एलाट फोसावयो। बोथोर बिफानआ कांडा, कुल्लु, मान्डी आरो शिमला जिल्लाफोरनि माखासे बाहागोफोरनि थाखाय रेड एलाट फोसावो। बिफानआ 24 आगस्टआव गोबां अखा हागोनखौ हमदानानै अरेन्ज एलाट फोसावो। बे दानाव राइज्योआव अखाजों सोमोन्दो गोनां जाथाइफोराव गासै सा 80 सुबुंफोरनि जिउ गोमायो। बेरा फारसे 24 जुनआव राइज्योआव मौसुमि बोथोरनि जागायनायनि उनिनफ्राय दासिमाव सा 227 सुबुंफोरनि जिउ गोमायो आरो सा 38 सुबुंफोरनि दासिमबो गोमाना दड। थानाय 10 साननि गेजेराव सिमला जिल्लायाव अखाजों लोब्बा गोनां जाथाइफोराव थैनायफोरनि अन्जिमाया बांनानै सा 26 जाहैयो। अखानि जाहोनाव सिमना मान्डी आरो सलन जिल्लाफोराव थानाय बुधबारनिफ्राय साननैनि थाखाय गासै स्कुल आरो कलेजफोरखौ बन्द'खालामो। सलन जिल्लायाव हा गिसिखानायनि जाहोनाव माखासे न'फोराबो सिलिखार जायो।

गुवाहाटीया फैगौ नभेम्बराव चाहानि सायाव इउएननि जथुमा खुंगोन

गुवाहाटी, 24 आगस्ट : आसामनि राजथावनि जाय बावैसोनि सानफोराव माखासे गिदिर हाबाफोरिफोरखौ खुंदों, एएफएनि इन्टर गभार्मेन्ट हान्जानि जथुमाआबो बेयावनो जागोन। एएएआ जुथाइ हादतनि मोनसे जर'खा एजेन्सि, जायफोरा उखैनायखौ फोजोबनो थाखाय हारिमायारि नाजानायफोरखौ दैदेननो।



आसामखौ चाहानि थाखाय मुलुगानाडै मिबथिनो मोननाय जायो। अदेबानि आसामा चाहा दिहुन्थायाव गासै 12 जौखोन्दो बिहोमा होयो। आसामा मुलुगाव बयनिखुइ बांसिन चाहानि आबाव मावग्रा ओन्सोल आरो बेनि खम जौथाइ हानि थासारि, थोजासे बिबानि अखा आरो गोमो बारहावाआ नेम-खांथि बायदियै चाहा दिहुन्थायाव मदत खालामो। भारतनि थाखाय चाहानि सायाव एएए

आइजलि, 24 आगस्ट : मिज'राम सरकार गामिफोरनि फारिलाइ आरो गुबुन गोनां खौरंफोरखौ लोगोसे गावसोरनि राइज्यो सिमनानि सोमोन्दै गावसोरनि दाबि दैखानायखौ आसाम सरकारनो गथायो, जेरैबायदि बुधबारखालि राइज्योनि नख'र मन्थि लालचमलि याना आ फोसावदोंमोन। मिज'रामनि मोन 3 जिल्ला, आइजलि, कलासिब आरो ममितआ आसामजों लोगोसे 164.6 कि:मि: गोलाव सिमना शेयार खालामो। थानाय 2021 नि जुलाइ दानाव सिमना जेनानि उनाव दरनै नसुंसे राइज्योफोरा गोजोने जेना सुखानायसिम सौहैनो थाखाय सावरायनायाव नांथाबो। थानाय बोसोरनि नभेम्बर दानाव गुवाहाटीयाव जानाय सिमना सावरायनायाव मोननैनिबो थान्दै आफादआ बे बाश्रानि सायाव गनायथिदोंमोनदि, मिज'रामा दानथामनि गेजेराव गामिफोरनि फारिलाइ आरो गुबुननि



सोमोन्दै खौरं होगोन। लालचमलियाना आ थानाय बुधबारवाव बिधान सभानो फोरमायोदि, मिज'राम सरकार गावसोरनि ओन्सोल, गामि बै ओन्सोलफोरनि थाग्रा सुबुंफोरनि सोमोन्दै गावसोरनि दाबि दैखानायखौ 13 फेब्रुवारीयाव आसाम सरकारनो गथाइदोंमोन। बेनि अनगायै मिज'राम सरकार आसाम सरकारनो लाइजाम लिरहरदोंमोन आरो दाबि दैखानायनि सायाव खंफोरथि बिहरनानै बेनि फिनजाथाइखौ नेगासिनो दड। खुंथायाव थानाय मिज' नेशनेल फ्रन्ट (एमएनएफ) नि सोद्रोमा वनलालतनपुइयानि मोनसे

सौनायनि फिन्याय होनानै नख'र मन्थिया बुडे, राइज्यो सरकार थानाय 2021 नि जुलाइ दानाव गुलि गावनाय जाथाइनि उनाव आसामजों लोगोसे राइज्योनि सिमनायाव माखासे अरायथा आरो अरायथा नडै सिमना आउट परस्टफोर गाइसदोंमोन।

सेन्ट्रल वाइएमएआ दालां गोदोनाय जाथाइखौ नायबिजिरनो दाबि दैखांदों

आइजलि, 24 आगस्ट : यं मिज एससिएशन एबा सेन्ट्रल वाइएमएनि मिरुआरि कमिटिआ मिज'रामआव आइजलिनि खाथियाव थानाय सेराडव गंसे बानायबाय थानाय रेलवे दालां गोदोनाय जाथाइखौ नायबिजिरनो दाबि दैखानों। थानाय बुधबार (23 आगस्ट) खालि मिज'रामआव दालां गोदोनाय गिखंथाव जाथायाव सा 23 सुबुंफोरनि जिउ गोमायो। मिरुआरि वाइएमएआ एबिसिआइ आरो शिलचरआव थानाय बिबिजे कम्पनिफोरखौबे खावलायो, जायफोरा दालांखौ बानायदों। जाहाथे भुगिनाग्राफोरनो रंखांथि अन्सुंथाइ होनो हायो। रेलवेनि बायदिल्ला बे जाथाया गंसे नेट्टी



गोदोनायनि जाहोनाव जादों, जाय मिज'रामआव कुरुं दैयाव बानायबाय थानाय दालांआव जागायदोंमोन। मिज'रामनि राजथावनि आइजलिनिफ्राय गासै 21 किल'मिटर गोजानाव सायरं ओन्सोलाव बुधबार खालि (23 आगस्ट) फुंनि 10 रिगासोयाव गोदानै बानायनाय दालाडा

गोदोयो। मिज'रामनि आइजिपिआ बुंदों, बाइखोन्दा थुखाफोरजों दासिमाव सा 18 नि गोथै सह'खौ बोखानो हाबाय आरो गुबुन साबा सुबुंफोरा दासिमबो गोमानानै दड। थैनायफोरनि गेजेराव सा 12 नि गोथै सह'फोरखौ सिनायनो हाबाय आरो बिसोर

गासैबो सोनाब बंगनि थागिबि। आथिखालाव गुबुन भुगिनाग्राफोरखौबो सोनाब बंगनि होनना गनायना लानाय जादों। जेब्ला सायरंआव जिर'पइन्टआव कुरुं दैन सायाव बानायनाय दालाडा गोदोयो, जेरव सा 26 लेबारफोरा बेयाव दडमोन।

बोथोर बिफानआ आसामनि गुबुन गुबुन जिल्लाफोराव अखानि अरेन्ज एलाट फोसावदों

गुवाहाटी, 24 आगस्ट: आसामनि गुबुन गुबुन जिल्लाफोराव 24 आगस्टनिफ्राय फैगौ 26 आगस्टनि गेजेराव गोबां अखा हागोननि सांग्राथि फोसावदों। इन्डिया मेथियर'लजिकेल डिपार्टमेन्ट (आइएमडि) आ कक्राझार, धुबुरी, चिरां जिल्लानि थाखाय बृहस्पतिबारखालि अरेन्ज एलाट फोसावदों आरो राइज्योनि बैफोर जिल्लाफोराव गोबां अखा हागोननि सांग्राथि फोसावदों।




बेजों लोगोसे बिफाननिफ्राय फोरमायनाय बादिब्ला, आसामनि बैफोर जिल्लाफोरनि गोथौ ओन्सोलफोराव गोबां अखा हागोनजों लोगोसे बारहुंखा फैगोननि सांग्राथि

फोरमायनाय बादिब्ला, आसामनि बैफोर जिल्लाफोरनि गोथौ ओन्सोलफोराव गोबां अखा हागोनजों लोगोसे बारहुंखा फैगोननि सांग्राथि

आसामखौ लाफानानै मेघालया, सिक्किम आरो अरुनाचल प्रदेशआव गोबां अखा हागोननि सायाव आइएमडिनिफ्राय सांग्राथि फोसावदों।

अखाफोराव थाबायदिनो जागायनाय प्रज्ञान स्वरुआ सलार पेनेलआ एक्टिभ जाबाय

गोदान दिल्ली, 24 आगस्ट: मिशन चन्द्रयान-3 जों लोब्बा गोनां गिदिर खौरंआ सोराडव फेदों। भारतआ अखाफोराव थानाय 23 आगस्टआव लेन्डिं खालामबाय आरो बेरायदिनोबो जागायबाय। भिक्र म लेन्डरनिफ्राय बाइजोआव फैनानै प्रज्ञान स्वरुआ मोनानि 12:30 रिगानिफ्राय गावनि खामानिखौ मावनोबो जागायो। स्वरुआ लार्से-लार्से रेम्पनि मदतजों अखाफोरनि हायाव बोखलायनाय जादों। साननि सोराडा बेयाव नाडोब्लानो प्रज्ञाननि सलार पेनेलआ एक्टिभ जागोन आरो बेटरिया चार्ज जानो हमगोन। बेनिफ्राय बेटरिया चार्ज जायोब्ला, प्रज्ञाननि साइन्टिफिक इन्स्ट्रुमेन्टफोरा सिग्नल दैथाइ हसो जागायगोन। स्वरुआ मोनानि 12:30 रिगानि उनिनफ्राय अखाफोरनि सा



बाहागोखौ स्टाडी खालामनो जागायो। प्रज्ञान स्वरुआव लागायना होनाय पे लड एबा साइन्टिफिक इन्स्ट्रुमेन्टआ खामानि मावनां अखाफोरनि सा बाहागोखौ नायबिजिरासिनो। रेम्पनिफ्राय बाइजोआव लाबो जानाय लोगो लोगो प्रज्ञाननि सलार पेनेलआ साननि सोराडव एक्टिभ जायो आरो बेनि सिनि बेटरिया चार्ज

जानो हमो। बेटरिया चार्ज जानाय लोगो-लोगो प्रज्ञानआबो आबुडै एक्टिभ जायो, बेनि केमेरायाबो अन जायो आरो साइन्टिफिक इन्स्ट्रुमेन्टआ सिग्नल दैथाइ हरनो जागायो। गासैबो जोन्थोरफोरखौ नायबिजिरनायनि उनाव लार्से-लार्से प्रज्ञान स्वरुआ अखाफोरनि सा बाहागोआव

बोखलायनाय जायो आरो फिन अंक्लिकल कार्डखौ दान्नानै होयो। बेबायदिनो प्रज्ञान स्वरुआ अखाफोरनि हायाव आगान होयो। फैगौ 13 सानसिमाव प्रज्ञानआ लेन्डरनिफ्राय 500 मिटर गोजानसिम अखाफोरनि हायाव थाबायनाय गासैबो आन्जादखौ नायगोन आरो गासैबो खौरंखौ लेन्डरनि

गेजेरजों बेंगालुरुनि इसर' कामान्ड सेन्टरआव बिगियानगिरिफोरा मोनगोन। इसर' टेलीमेट्री ट्रेकिंग एन्ड कामान्ड सेन्टरआव बिगियानगिरिफोरा प्रज्ञान स्वरुआ खौरंफोरखौ मोनो हाबाय आरो बिगियानगिरिफोरनि हान्जाया बेफोर खौरंखौ डिक्ड खालामनायाव नांथाबदों। चन्द्रयान-3 मिशननि जाफुंसारनाया भारतनि अखांमा मिशनआव गोदान जिउ सोना होदों। भारतआ फैनो गोनां समाव अखांमायाव माखासे मिशन लन्च खालामनो थांगासिनो, जाय गासै मुलुगनि थाखाय जारिमिन जागोन। बेयाव इसर'नि सान मिशन आदित्य एल-1 खौ जेरव थिसननाय जागोन बेयो बुहुमनिफ्राय 15 लाख किल'मिटर गोजान।

चन्द्रयान-3 नि जाफुंसारनायनि सायाव पुतिनआ हामलायथि बाउहरदों

गोदान दिल्ली, 24 आगस्ट: भारतआ बुधबारखालि अखांमा ओन्सोलाव जारिमिन सोरजियो, जेब्ला चन्द्रयान-3 आ अखाफोरनि खोला बाहागोआव बागलायनायाव जाफुंसारो। चन्द्रयान-3 आ 41 साननि दावबायनाय उनाव बुधबारखालि बेलासि 6:04 रिगायाव अखाफोरनि सा बाहागोआव आगान होयो। अखाफोरनि बे बाहागोआव बागलायग्रा भारतआ गिबि हादर जाबाय। बेनि अनगायै भारतआ अखाफोरनि सा बाहागोआव जाफुंसार अखांमा यान बागलायग्रा ब्रैथि हादरबो जाबाय। आथिखालाव आमेरिका, रासिया आरो



चीनआल' खालामनो हादोंमोन। आथिखालाव मुलुगनाडै निफ्राय भारतआ हामलायथिनि खौरं मोनगासिनो दड। बेनि गेजेरजों रासियानि हादरगिरि ब्लादिमीर पुतिनआ भारतनो बे जारिमिनारि जाफुंसारनायनि

सायाव हामलायथि बाउहरदों। पुतिनआ गावनि इसारायाव बुंदों, भारतनि चन्द्रयान-3 अखांमा यानआ अखाफोरनि खोला बाहागोनि सायाव जाफुंसारै बागलायनायनि सायाव हामलायथि बाउहरबाय।

बैराम जानायफोरनि थाखाय सेवलांग आदार मुवा-बैसाद
22-08-2023 | गावाय मख 'नाय खामनिनि थाखाय मुसागिनिआ इ-टेन्डर सोरयदों: खामनिनि बेखेसोथि: 'अडिपुसुवार् जंसनआव जंसन' सन्ना सिमना रेलवे कलेज फोरावसिदि केमरकनपेदिन श्रेष्ठ (यम) बेरोपनि मोनसे सस सिमननि थाखाय सेवलांग आदार मुवा-बैसाद जागयनाय 'मिडिबिजिनाय चन्द्रयान-3 (यम) आरिम्पि' सै: 18,100 रं। टेन्डर फोरपन किल्ल' जस खलामनयनि केवला अन्डर आरो सस: 14-09-2023 अन्डर 12:30 रिगायव आरो विक्रेतजानि: 14-09-2023 अन्डरखालि 16:30 रिगायव। विक्रेतजानिनि थाखाय www.ireps.gov.in वेबसाइटआव नयनो हागोन।

आसामखौ चाहानि थाखाय मुलुगानाडै मिबथिनो मोननाय जायो। अदेबानि आसामा चाहा दिहुन्थायाव गासै 12 जौखोन्दो बिहोमा होयो। आसामा मुलुगाव बयनिखुइ बांसिन चाहानि आबाव मावग्रा ओन्सोल आरो बेनि खम जौथाइ हानि थासारि, थोजासे बिबानि अखा आरो गोमो बारहावाआ नेम-खांथि बायदियै चाहा दिहुन्थायाव मदत खालामो। भारतनि थाखाय चाहानि सायाव एएए

आइजलि, 24 आगस्ट: मिज'राम सरकार गामिफोरनि फारिलाइ आरो गुबुन गोनां खौरंफोरखौ लोगोसे गावसोरनि राइज्यो सिमनानि सोमोन्दै गावसोरनि दाबि दैखानायखौ आसाम सरकारनो गथायो, जेरैबायदि बुधबारखालि राइज्योनि नख'र मन्थि लालचमलि याना आ फोसावदोंमोन। मिज'रामनि मोन 3 जिल्ला, आइजलि, कलासिब आरो ममितआ आसामजों लोगोसे 164.6 कि:मि: गोलाव सिमना शेयार खालामो। थानाय 2021 नि जुलाइ दानाव सिमना जेनानि उनाव दरनै नसुंसे राइज्योफोरा गोजोने जेना सुखानायसिम सौहैनो थाखाय सावरायनायाव नांथाबो। थानाय बोसोरनि नभेम्बर दानाव गुवाहाटीयाव जानाय सिमना सावरायनायाव मोननैनिबो थान्दै आफादआ बे बाश्रानि सायाव गनायथिदोंमोनदि, मिज'रामा दानथामनि गेजेराव गामिफोरनि फारिलाइ आरो गुबुननि

आइजलि, 24 आगस्ट : मिज'राम सरकार गामिफोरनि फारिलाइ आरो गुबुन गोनां खौरंफोरखौ लोगोसे गावसोरनि राइज्यो सिमनानि सोमोन्दै गावसोरनि दाबि दैखानायखौ आसाम सरकारनो गथायो, जेरैबायदि बुधबारखालि राइज्योनि नख'र मन्थि लालचमलि याना आ फोसावदोंमोन। मिज'रामनि मोन 3 जिल्ला, आइजलि, कलासिब आरो ममितआ आसामजों लोगोसे 164.6 कि:मि: गोलाव सिमना शेयार खालामो। थानाय 2021 नि जुलाइ दानाव सिमना जेनानि उनाव दरनै नसुंसे राइज्योफोरा गोजोने जेना सुखानायसिम सौहैनो थाखाय सावरायनायाव नांथाबो। थानाय बोसोरनि नभेम्बर दानाव गुवाहाटीयाव जानाय सिमना सावरायनायाव मोननैनिबो थान्दै आफादआ बे बाश्रानि सायाव गनायथिदोंमोनदि, मिज'रामा दानथामनि गेजेराव गामिफोरनि फारिलाइ आरो गुबुननि

No. CHD/SEED/BTC/IE-PMKVY/2023/86 Dated Kokrajhar the 23rd August 2023
CORRIGENDUM
This is for general information to all the eligible candidates that the minimum age for the job role self employed tailor is 18 years instead of 14 years as published in the news paper vide advertisement No. No. CHD/SEED/BTC/IE-PMKVY/2023/85 Dated Kokrajhar the 22nd August 2023. The other terms and condition will remain same for the job role self employed tailor.
Sd/-
Deputy Director cum CHD,
SEED BTC, Kokrajhar
IPR(BTC)-2023-24/450

थोंजों फिसा जोनोम होयै नाथाय गावनि फिसानो आहार जाहोग्रा जिबफोरनि मिथिनो गोनां बाथ्रा

जों बयबो मिथिगौदि, आहार सोबग्रा जीबफोर फिसा जोनोम होयो आरो आहार जाहोनायै फिसाखो फेदेरो। नाथाय बिदै देनायै फोलेर एरहोग्रा जीबफोर दावदेनिफ्राय फिसा जोनोम जानायनि उनाव बे फिसाखौ गाइखेर दौआ। अदेबानि माखासे बिदै दैग्रा जीबफोर दड़, जायफोर आहार जाहोग्रा नाथाय गाइखेर बायदि गुबुन राहायै आहार जाहोग्रा फिसाफोरनो। बेफोर जाबाय-



(1) फारौ:- फारौ दावफोरनि गोदोनायाव मोनसे आदार दोन्थुमग्रा मना बायदि थायो, जायखौ क्रप होन्नायै बुडे। फिसा जोनोम जानायनि उनाव फारौफोर बे मुवाखौ गोदोनायफ्राय दिहुन्नायै फिसाफोरनो जाहोग्रा। गासै 28 सानफोरसिम जोला फारौआ फिसाफोरनो बे मुवाखौ जाहोग्रा।

(2) पेंगुइन:- फिसा जोनोम आजायै नाथाय आहार जाहोग्रा जीबफोरनि गेजेराव पेंगुइनआबो जाथोसे। जोला पेंगुइनआ



दावदैफोरखौ जोथोन लायो, मानोना जोलानि क्रपआवसो फेटि लिक्कुइडा सोमजिखाडे। जो पेंगुइनआ बिदै देना गालानायनि उनाव बयनिबो थाखाय आदार नागिरनो ओंखारलाडे। बे बायदि समाव जोला पेंगुइनआनो गोदान फिसाफोरनो आहार जाहोनायै जोथोन लायो।

(3) फ्लेमिंग:- फ्लेमिंगआबो बैफोर जीबफोरनि गेजेराव मोनसे। जो आरो जोला मानैनावबो क्रप मिल्क एबा मोनसे रोखोमनि



बर' हारि

बर' हारिया मुलुगाव थानानै थायाब्ला जागोन बर' हारिया आलाइ सिलाइ बर' हारि गावनि थैखौ अननो रोडब्ला हारिनि मोदेया जागोन लैथो- लैथोमा,, बर' हारिया फरायनो रोडब्ला मावनो दानो सोलोडब्ला, हारिया जागोन मुलुगाव बिबाययारी। बर' हारिया मालायनि हाथियार जानानै दामाव मालाय हारिनि सायाव इनाय हाबा, बर' हारिया दासान मालाय हारिखौ फोजोबनो दासान मुलुगाव बाइखोन्दा नोशॉन गालानो। बर' हारिया राजउलाफादखौल' सिनायोबा जागोन बर' हारिया आलाइ-सिलाइ, गोदाव सोराव, बर' हारिया रां रुपाखौल' सिनायोब्ला जागोन बर' हारियाव थैनि बाना। बर' हारिया हारिखौ अरायबो फोथानो नाजायाब्ला हारिया बुहुमाव गोमोरलंगोन। बर' हारिया खौसेथि जानो हायाब्ला नॉनि आनि थांखिया फेल्लें जागोन, बर' हारिया खौसेथि जायोब्ला हारिया अरायबो जौगाखंगोन।

मिस बिरबाना बसुमतारी
गामि- लाउरि फारा (थिनाली)।




गाइखेर सोमजिखाहोयो। बेफोर दावआ एबा फ्लेमिंगआ फिसाफोरजों बिलनि गेजेरजों आहार जाहोग्रा। सोमोनांथावदि, आधिं गोजौ दावब' बायदि बे दाव प्लेमिनि क्रम मिल्कनि गावआबो बेनि बादिनो गोजा जायो।

(4) पेंसिफिक बिल्ल कक्रज:- जो कक्रजनि सिडव खदैआ बांसिन जायो, बेनि गेजेराव खदैआ जेसेबां लाव-लाव मुवा सोमजिखाहोयो, बेखौनो गाइखेर बुंनाय जायो। बिगियानगिरिफोरनि बादिब्ला, गासै बुहुमाव बेनिखुइ बांसिन केलरि गोनां गुबुन गाइखेर



गैया। (5) डिस्कश ना:- बेनि देहायावबो फिसाफोरनो आहार दौनो हानाय गाइखेर सोमजियो। फाखा गावनि जो आरो जोला मानैबो नानि बिगुरनिफ्राय गाइखेर बायदि स्लाइम सोमजिहोयो। जोनोमनिफ्राय 3 सप्ताहसिम फिसाफोरखौ डिस्कश नाआ गाइखेर जाहोग्रा।

(6) ग्रेट ह्वाइट शार्क:- बे सार्क एबा ना टिमिनि फिसाफोर



बेनि गोबो सिडववो जौगाखाडे, नाथाय गोबो नाला गैयै एबा फिसाख' थायैनि जाहोनाव बेनिसिम पपनआ सौहैया। बे जीबनि गोबोआवनो एबा फिसाख'आवनो गाइखेर बायदि मुवा सोमजिखाडे, जायजों गोबोआव थानाय भुणआ गोनां निउटिसनफोरखौ मोनो।

नॉनि सायाव फोथायो

नाजागासिनो आं मिथिस'याखे नॉ, खुगानिफ्राय ओंखारनाय रावा गॉबोनिफ्राय थिन्नायव बेरखांदों। नॉनि गोसो मोखानि दाहाजों बावगोमानाय दुखुखौ आवग्रिनो आरो सोरखौ, हानायखिनि होबाय अन्नाय गोनांथिबो फेबाय। गोनांथि गैयाब्ला मोदैखौ आं माब्रैथो सिनायखो अनु समायआ फेल्लें थाड, बेरखां होगोन सानैजों। हांमा सुरहाब सुरहाब थांखियाव रूखु-रूखु दगाबासै दागो गैयै गौबोयाव दालेंहर बारहुंखा, आनि देरासिमबो सोरखिबोगोन गावस्रगोन दुम दाखाल। आनि आर्थिखौ गसंहो थार गोसोजों मोखांयाव मिनिखेरो लाबो जेब्लाबो दंखायो नॉजोंनो।

मुश्री सजिव नाजारी
गामि- काउरादुमनि(द'तमा)
जिल्ला- कक्राझार बि.टि.सि
ला:सो- द'तमा

रंजालि गथ'फोरनि सौरा

टेट्रकटिस खन्थाइ

नॉ
रेबनाय
खन्थाइया
माबा मोनसे
बोसोन राव मोननाय जाथारनो नांगौ

बा !
नॉखौ
दिनैसो
लोगो मोनदों
आथिखालाव नॉ मा माननानै दं

नॉ
मोखां
बिजाबाव
जाबाय नामा
अरायबो बिलियाव खन्थाइ रेबग्रा

नॉ
रेबनाय
खन्थाइखौ
बयबो बुडे
मोजां मोजां रेबनो रंगौ होनना

नॉ
रेबनाय
खन्थाइयाव
मोननो हायो
सुबुं गायामानि जानाय जाथाय

नॉ
हरदम
रेबोखाय
हानाय जाबाय
खन्थाइनि थिलिआव खन्थाइ रेबनो

नॉ
बादि
खन्थाइनि
थिलि थिलि
ओंखारबावथों जॉनि जौमोनफोरा

-रैदोम बर', बाक्सा

गांग्रिं गान्नाय सोदोबफोरा आरोबावसो जंखायफैदों

गांग्रिं गान्नाय सोदोबफोरा आरोबावसो जंखायफैदोंसै बुब्लिनि दिग्रायनायाव मुलुगा साननिफ्राय हर, हरनिफ्राय सान, निजोम अखांडव खारसारदिनाय जोमैफोरनि रंजाथिलि बावगोमालांखे सानब्रेनायनि लैथोआव रूगुं गैयै फैलासेमनि गुथालबादि गारबोनाय बुब्लिनि सावगारि। उन्दै समाव फोथारथिलिआव ग'थिया आंगोफोरनि रंजनाय थिलि हादिदिगा हाग्रानि बिलायजों माला सुनाय, अलं जलं गेलेनाय, आसनि बिसनि गेलेनाय, हाद्रिजों फिथा बानायनाय एन्थाब सिथाव हुगुमा; आबै लाउगिनि आखायजों खावनाय गय खान्दिसे स्नाय जास्रानो मोनोमोब्ला जायामोन गुस्थिआ सानगोरलैबादि जारौ रौ, आबौनि थखनजों खनसे सैमा बुनो मोनाब्ला जुथिया गोसोआ आनि, मागो बैसागोनि समाव बेदर फिसा फिथा सिथाव अरनाय, आसिननि सिथला गेजेराव लाइजौ लाइआव ओंखाम गोलें जानाय, गोन्दो गोन्दो मोदाय सिबिनानयि मुडै दाउसा फारौ हाथारनाय बाथौ बिथायाव थैसामनि लाथाखानाय, खोमोन गसंखालायनाय खाम दामनाय थैनि सोर सोर खारसरदिनायाव दिउदिनिनि मोसाग्लानाय, हौवा गोदान हिन्जाव गोदाननि जुलि होज्जलायनाय हान्जा हान्जा बोराय बेन्थ', सेंग्रा सिख्ला, गथ' गथाय जुलिनि होदिन होनाय। सोमखोर समायना गावगोनां अखांडव बायदि गावनि आबिर सारफावफैयो जेसेबां नायहरो एसेबांनो खाथिसिनाव जेन हा आरो अखांडवों गोरोबफालायदों नंगौ थारैनो नायनो थाखाय मोन्दार्थिनि गोनांथि, मोन्दार्थिनि थाखाय सानसिनि गोनांथि, बैफोर गांग्रिं गान्नाय सोदोबफोरा दा गोरबोनि थरथिसे मोदैनि दाहाल'सो थेवबोदि मानो सानब्रेनायनि राज्योआव गोदोहाबनानै एखुथियायै थानानै थानो गोसोखौ गोजोन्नाय मोनो।

-बनमालि दैमारि
बेनावारि, बागसा

जों फरायसा

खोलोमजों दावहा नांगोन अगियानखौ बुथार लांगोन आवगाय लांगोन जों गोथार लामाजों मान मोनगोन सानसे जाफुंसारनायनि जों फरायसा.....जों फरायसा। देरसिनखौ मान होगोन उन्दैखौ बोसोन होगोन देरगोन-लावगोन सानसे मुलुगाव मिथिसार जागोन जों फरायसा.....जों फरायसा गोदान मुगानि जों फरायसा। हरि धोराम बासिया जासे सोलेंगोन जों खौसेयै ज' ज' जों थानोन फरायसालि सोलेंगोन जों गोसो होना होनाय बोसोन फोरेंगिरिनि लामोन गोसोआव थि सोना दोनलांगोन नेरसोन हारिनि जों फराय गोदान मुगानि जों फरायसा.....।

बेलारोम बसुमतारी
फखालागि, कक्राझार

गोजा गलाब बिबार

फालगुन दाननि जावलिया बाराव। सानस'नो हायै लाइमोन बैसोआव गुवार गोसोनि अन्नाय लानाने मोजां मोन्दोंमोन रजे आं नॉखौ जेब्ला। अब्ला, नॉ आनि बायराव देरानि लांगोनायाव बारदोंमोन सानैसोनि गोजा गलाब बिबार। दिनै बै गोजा गलाब बिबार बहा ?... ? नाथाय, नॉदि बै सिखिफोरनि गेजेरावसो बारहैनाय दं। आनि बेसेबा गोजानावसो.....। नॉ, मोदोम जायाखैथ', सिखिफोरजों बिदै सोबजानो। बिबिदिनो, रंजे नॉखौ आं हास्थायदोंमोन मोकथांआव। नाथाय नॉदि बावगारलांबाय अब्लाबो आं नॉखौ गोबोंजों मोजां मोन्दोंमोन... जाफुं होनो थाखै..... नाथाय सानाखैमोन नॉ रंजे आनि अन्नायखौ सैथो गोथार होन्ना। जाउनाव जानांबाय आं दिने लोगो गोमाजानाय दाउसा माउरिया बिदिब्ला रंजे बुं बै समनि अन्नाया बेसेन गैयामोन नामा। जानो हागौ आदि गोरोन्थि खालामबाय बिनि थाखाय नॉ आंखौ नेवसिगारनो हागौ। नाथाय, नॉबो इसेबां गिदिर समाय लानायखौ गियाखेसै। ना नॉ समायखौ फिसा होन्नासै सानबाय नामा। ना फालगुन दाननि थि थिं सान्दुं दुनायाव रानज्रंलानो हमाय नामा बै गोजा गुलाब बिबार।

बेनिजन बरग'यारी

जीउनि थांखि

नॉनि गोसोखौ सुफुं जेरावबो सैथोयै, जेरावबो गोगो आखलजों, जेरावबो मोजां आरो सैथोजों, जेरावबो अन्नाय आरो मानहोनाय, आरो जेरावबो सानो हानाय गोहो एबा सोलो मोन्नायजों। मावबाय था गासैबो मुवाखौनो नॉ सोलें आरो सानबाय था खोनायाव आरो नुनायफोरखौ। अब्ला इशोरआ गोजोन्गोन नॉजों लोगोसे।

श्री बिरखां कुमार ब्रह्म

(□ 1 बिलाइनफ्राय)

(□ 1 बिलाइनफ्राय)

(□ 1 बिलाइनफ्राय)

चिरां जिल्लानि सान्तिपुर लावखिगुरि गामियाव फिन गिथाव महरनि दै बानानि थासारि

बां लोमजोबानायजों लोगोसे नख'राव फिसिनाय दाड, अमा, बोस्मा बायदि सम्पतिफोरा दैजों बोहेखारलांजानायव गामिनि सुबुंफोरा खाफाल हमनो गोनां जायो। दै लोमसावनायनि जाहोनाव न' नागरानां थानो गोनां जादों। थानो-उन्दुनो, जानो-लॉनो थाखाय जेनाजों मोगा-मोगि जानादों। बेराफासैं लामा-दालांफोरा बायफ्लंलांदों आरो गामिनि माइ आबाद फोथार आरो आबाद थिलिफोरा आबुडे' ख'हा जालांदों। बेखौ लानाने खाफाल हमना जिंगायाव गोलैदों दै लोमजानाय लावखिगुरि गामिनि राइजो-राजाफोरा। मख'नाय जायोदि, गामिनि राइजो-राजाफोरा अजद होनाय बायदिब्ला, थानाय बोसोरावबो लावखिगुरि गामिया दै बानानि खेफोदजों मोगा-मोगि जानादों। दै बाना सोमजिनयाव समाव थानाय बोसोराव सरकारनि गोबां दैदेनगिरि, मन्थि, एमएलएफोरा थानाने दै बाना होबथानायनि राहा खालामनाने होनो खोथा होबोदोंमोनब्लाबो नाथाय मावफुंनाने होयाखै होनाने अजद दैखांदों। लोमोसे गावसोरनि गोजोने संसार जानो हानायनि थाखाय दै बानानिफ्राय रेखा मोनो हानाय बायदिदैं राहा खालामनाने होनो सरकारनिसिम गुंयै खावलायहरदों लावखिगुरि गामिनि राइजो-राजाफोरा। दिने लावखिगुरि गामियाव दै बाना सोमजिनयनि खौरां मोनयनि उनाव 14नं चिरां दुवार ब्लक इडपिपिएलनि आफादगिरि बिरदाव मुसाहार आरो 10थि दुवार दख'ग'दुलाराय बर' फरायसा आफादनि मोनसे थान्दै हान्जाय गामियाव थानाने भुगिनोनाय राइजो-राजाफोरादि दुखु-सुखुनि खौरांखौ लाहैयो आरो बिसोरनो अन्सुंथाइ होनो थाखाय सरकारखौ खावलायहरो।□

माइनाव सोरां बिथांखि-2023 नि रांखान्थियारि अन्सुंथाय गथायदों

होनायनि थांखिजों 'माइनाव सोरां बिथांखि-2023' मुनि मोनसे बिथांखिखौ फोसावना होदोंमोन। बिथांखिखौ जाफुंसारै गथायनायनि थांखिजों दिने बाक्सा जिल्लानि महकुमा सदर सालबारनि लक्ष्मी मन्दिर लांगोनायाव मोनसे मेलनि गेजेरजों मोन 81 गावसुंथा आफादनों सेथि केस्टिनि 25 रोजा रनि चेक गथायना होयो। सालबारि बियाबनि टिसिएलसिसिनि मासिगिरि बिनद मुसाहारनि सामलायनायाव खुंनय चेक रानसारनाय हाबाफारियाव आलासि महरै बाहागो लाफेनाने बिटिआरनि बुंथिगिरि काटियाम बर'आ बिटिआरनि गाहाइ प्रमद बर'खौ साबायख'र बाउनाने 'माइनाव सोरां बिथांखि'नि गेजेरजों आइजो गावसुंथा आफादफोरनो गासै 75 रोजा रांखान्थियारि अन्सुंथाय गथायगोन। बिटिआर सरकारआ गुबुन गुबुन बिथांखिफोरखौ आखाइयाव लानाय जादों, बेनि गेजेराव मोनसे बिथांखिया जाबाय 'माइनाव सोरां बिथांखि' बिटिआरनि गावसुंथा आफादफोरखौ धोन गोनां खालामनानयनि थांखिजों मावफुंनय जादों 'माइनाव सोरां बिथांखि'खौ। बे बिथांखिनि गेजेरजों आइजोफोरनो 75 रोजा राइँ अन्सुंथाय गथायनाय जागोन। प्रमद बर' दैदेनाय बिटिआर सरकारआ गावसुंथा आफादफोरखौल' नोजोर होनाने बिथांखिफोरखौ लायाखै। बेयाव 32 लाख सुबुं अन्जिमा दड। मोन 23 गुबुन गुबुन हारि-जनगस्टि दड। बे 32 लाख राइजो-राजाफोर, मोन 23 हारि-जनगस्टिनि राइजो-राजाफोरखौ रेहाय होनायनि थांखिजों गुबुन गुबुन बिथांखिखौ मावफुंनय जादों। फरायसाफोरनि थाखाय 'ज्ञानसोरां' बिथांखि मुंजों मोनसे बिथांखि लानाय जादों। लोमोसेनो सरसनस्त्रा फालांगिफोरनि थाखाय अन्साय बिथांखि, गुण गोनां फरायसाफोरनि थाखाय बड'फा सुपार-50 मुंजों बिथांखि मावफुंनय जादों। बे बिथांखिफोरनि गेजेरजों बिटिआर ओन्सोलनि खामानि गैयै जेनाया एसेब्लाबो होबथानायव हेफाजाब गोनां जागोन होना आइजोफोरखौ सिगांबोनो खावलायो बिटिआरनि बुंथिगिरि काटियाम बर'आ। बेनि अनगायैबो बावैसोयाव बिटिआरनि होखारस्रानयनि सोमोन्दै बुंथिगिरिआ बुंदोंदि, गोजौसिन बिजिरसालिनि होखारनायखौ लानाने जाय बिथोनमाखौ होनाय जादों गुबेयो 2012 माइथायनिफ्रायनो सोरिंगामसिनो दड। 2012 माइथायनि गोजौसिन बिजिरसालिनि बिथोनमानि बिथायनायो रेभिन्ड साकेल बिबानगिरि मावखुलिनिफ्राय फोसावथाय होनाय जादों। बेनि सोमोन्दै जौनि बिटिआर ओन्सोलनि होखारनायखौ लानाने आधिखालाव बिटिआरनि गाहाइ प्रमद बर'आ मख'जाथाव जेना सुफुंनयनि थांखि लानाय नुनो मोन्याय जादों होना बुंथिगिरि काटियाम बर'आ बुडे। दिनेनि बे चेक रानाय हाबाफारियाव बाहागो लानाने बिबुंथि होफेदों इडपिपिएलनि गाहाइ नेहाथारि समनाथ नाजरी, टिसिएलसिसिनि मासिगिरि बिनद मुसाहार, सालबारि जिल्ला इडपिपिएलनि गाहाइ नेहाथारि पुरेश सरकार, आइजो मर्चानि मालती केरकातारि, लाइमोन इडपिपिएलनि आफादगिरि सत्यजित बर'मोनजों लोमोसे माखासे दैदेनगिरिफोरा बाहागो लाफेदों।□

कक्राझारआव बि पि एफनि दोलोयारि मावफुं ...

हानाय भयर दरं-उदालगुरि बियाबआव दड होना फोरमायथियो। दोलोयारि दैदेनगिरि, मदतगिरि आरो हेफाजाबगिरिफोरखौ थांखिनाने बिटिसि रादायखौ दिल्लीआव राइज्यो सभा आरो लकसभायाव गनायथिजानाय आरो राइज्यो बेंगिरिनि गनायथिनाय मोनसे संबिजिरनि मान मोन्याय रादाय होना बुडे। बे रादायखौ इडपिपिएलनि आफादगिरि प्रमद बर'आ फोजोबसोनो थाखाय थांखि आजावना लादों। बेनि थाखायनो बिटिसि रादायखौ हेफाजाब होनाय कच राजबंसि, मुसलमान, नाथयगी, आदिबासि, बाडली आरो गासैबो हारियारिआ गोरोबलायनाने प्रमद बर'नि आखाइनिफ्राय बिटिसिखौ बोखानांगो होना खावलायो। बिथाड फिन प्रमद बर'खौ बेफारि, थगायसुला होना सोंखारिनाने बुडेदि, प्रमद बर'आ गथायनो रोड लानोसो रोडे, बेनि थाखायनो नोंथांमोनहा बिथाड-हा होगोन। प्रमद बर'आ रां जानायनि थाखायल' 24 घन्टा नाडै सानखांबाय थायो। फोर्बो खुडै-खुडे रां जाख्ल'नायनि थांखियावनो थायो। बेबायदिनो बिटिसिनि गासैबो खामानि-दामानिखौ बाइजोनि टिकादार सुबुंफोरनो गथायनाने जौनि बिटिसि जायगानि सुबुंफोरखौ नासयनाने लाखिदों होना अजद होयो हाग्रामा महिलारीआ। बिथाड बिटिसिनि गासैबो राड बाइजोयाव थाडे आरो प्रमद बर'आ बेनि मुलाम्फाखौ लाबाय थायो होनानेबो गोखौ अजद होबावयो। बे बिथिडव फेगौ सानफोराव बिपिएफनि सरकार फेयोब्ला बिटिसिआव जिउ खानाय आरो लाइसेन्स थानाय सुबुंफोरनोल' खामानि होनाय जागोन आरो जाहाथे साफ्रोमबो फालांगिरियाव मुलाम्फा मोनो हायो। हाग्रामा महिलारीआ बिटिसिनि होखारस्रानाय आयदायावबो फिन फिनजाथाय बिबुंथि होना बिटिसिआव जर'खायै मुसलमानखौ टार्गेट खालामनाने होखारस्रानाय हाबाफारि लागसिनो दड। बेखौ बिपिएफआ जायखि-जाया जाबोनावनो मानिना लाया। मानोना बिटिसिनि गिबि 2005 माइथायनि सरसनस्त्रा बिसायख 'थियाव जायफोर नोगोरारिफोरनि भट होनायनि फोरमानलाइ दड बिसरो बिटिसिनि गुबै थागिरि आरो नोगोरारि होना बुडे महिलारीआ। बे बिथिडव होखारजानाय नख'रारिखौ बे मोनसे जायगायावनो जिउ खानाने थाहोगोन होनाने प्रमद बर'खौ गोखौंथार सोंखारिनायजों बिबुंथि होयो। लोमोने रादायनि उनाव आधिखालावबो बारग' एन्डिएफनि दैदेनगिरि-केडारफोरा जोबथेसालियाव थानांनयजों लोमोसे आधिखालावबो माबेबा केसयाव जोबथेसालियाव थानो गोनां जायो। नाथाय बेफोरनि बिबानखौ लाया प्रमद बर'आ, रां जाख्ल'नायनि' मुखुब थानाय नुनो मोनो होनानेबो हाग्रामा महिलारीआ बुडे। मख'नो गोनांदि, कक्राझार सोहोरनि तितागुरि इरारादाउ भवनयाव दिने खुंजानाय सालाकाटि ब्लक बिपिएफ दोलोनि मावफुं मेलयाव कक्राझार जिल्ला बिपिएफ दोलोनि आफादगिरि देरहासात बसुमतारिनि सामलायनायाव सा 281 गुबुन गुबुन खुंथायारि दोलोनि दैदेनगिरि-सोद्रोमाफोरा दिने बिपिएफ दोलोआव हाबफेयो। बेनि इडपिपिएल दोलोनि सा 180, बिजेपिनि सा 52 आरो जिएसपिनि सा 49 सोद्रोमाफोरखौ दिने बिपिएफनि आफादगिरि हाग्रामा महिलारीआ अर'नाइ गामसाजों बरायो। दिनेनि हाबाफारियाव बिपिएफनि गागि दैदेनगिरि आरो बारग' मन्थि प्रमिला रानी ब्रह्म, बिपिएफ आइजो दालाइ दैदेनगिरि मालती रानी नाजरी आरो बिपिएफ लाइमोन दालाइनि दैदेनगिरि प्रमहलाद ब्रह्म आरो गुबुन गुबुन हारि-जनगस्टिनि मोन 6 दालाइनि दैदेनगिरिफोरा बाहागो लाफेदोंमोन।□

बिटिआर सरकारआ उदालगुरिनि मोन 66 सेल्य हेल्य गुपफोरनो रांखान्थि अन्सुंथाइनि ...

हाबाफारि खुंनयनि गेजेरजों बियाबनि सिडव थानाय गासै मोन 66 आइजो गाव सुंथा आफादफोर एबा सेल्य हेल्य गुपफोरनो 75,000 रनि गिबि खोलोब हिसाबै 25,000 रनि सेक बिलाइखौ रानो। हाबाफारियाव गाहाइ आलासि महरै बाहागो लानाने बिटिआरनि गेलेमु आरो हारिमु बिफाननि मावफुं सोद्रोमा दावबायसा बर'आ मुलाम्फागिरि सेल्य हेल्य गुपफोरनो 25,000 रनि सेक बिलाइखौ गथायनाने होयो। बेराफासैं इडपिपिएल राजखांथि दोलोआ खोथा होनाय बायदिदैं 75,000 रनि गिबि खोलोब हिसाबै 25,000 रांखान्थि अन्सुंथाइ मोनो हानाने मुलाम्फागिरि सेल्य हेल्य गुपफोरा गोजोन्यायजों बिटिआर सरकारनिसिम साबायख'र जासियो।□

मुंदांखा रेडिअ आर्टिस्ट महत चन्द्र बसुमतारिआ रुंसारि ...

उनाव कक्राझार सहरआवनो कर्मासियेल आर्ट हाउस गाइसनो आरो गावजों लोमोसे फिसाज्जाफोरखौबो दिनेसिमबो बे खामानियाव नांथाबहोनाने रुजु-रुम्यै राइजो जाबोगासिनो दंमोन। बेनि अनगायैबो बिथाड माहारि सिबिनाय, थुनलाइ सिबिनाय, हारिमु सिबिनाय बायदि बायदि बिथिडव गोबां खामानिफोराव मुखुब थाबोयोमोन। बिथाड बड' रेडिअ एन्ड टेलिभिजन आर्टिस्ट एस'सियेसिन आरो सोगोंसि संगित बिद्यानिकेटन कक्राझारनिबो गाइसनगिरि आफादगिरिमोन। महत चन्द्र बसुमतारिआ मिलोदो गारनि सासे मुंदांखा रेडिअ मेथाइ रोजाबगिरि आरो मेथाइ लिरगिरिमोन। अल इन्डिया रेडिअ, गुवाहाटीनि अडिसन बर्डनिबो बिथाड गोबाव बोसोर सम सायख'गिरि महरै खामानि मावबोदों। सुबुंखौ मोजों मोनग्रा, हारि-हादतखौ मोजों मोनग्रा, हारिमु आरो थुनलाइ सोजिनो-सिबिनो मोजों मोनग्रा महत चन्द्र बसुमतारिनि रुंसारि जानाया बर' हारिजों लोमोसे दुलराय सुबुं माहारिनि थाखाय सुफुंख'हायै ख'हा जादों। गोबाव सम बिथाड बराभाव गोरलैसोनाने दंमोन। जोबथा बुब्लिआव दिने सान्जोफु समाव जोबथा हां बोयो। बिथांनि रुंसारि जानायाव कक्राझार हालामाव दुखुनि साया साग्लोबदों। गोबां आफाद-गौथुम, ओन्सोलनि मेलेम जिबि, सान्सुमै आरो दैदेनगिरिफोरा बिथांनि रुंसारि जानाया गोथोबै दुखु मोन्याय फोरमायदों। लोमोसे बड' रेडिअ एन्ड टेलिभिजन आर्टिस्ट एस'सियेसननिफ्रायबो बिथांनि रुंसारि जानायाखौ दुखु मोन्याय फोरमायनायजों लोमोसे बिथांनि जिउमाया सोगोंआव आलो-गोजोन जायगा मोनहैनायनि थाखाय अबंलावरिनिसिम अर'ज गाबदों।□

बडाइगाव रिफाइनारिनि बान्जायनायाव आरहन ...

उद्ययारि दाथायनि सायाव गियान बांहोनायाव आरहन बिथांखिनि गाहाइ थांखि होनानेबो फोरमायदों। बिजिआरनि कारिकरि सिबिथायनि गागि बिथोनगिरि निरज बराया रिफाइनारि दाथायनि बायदि आयदानि सायाव आरो बडाइगाव रिफाइनारिनि सोमोन्दै गुवारि फोरमायथिना होयो। बराआ फरायसाफोरनि बायदि सोंथिनि सायावबो फिन्नाय होदों। हाबाफारियाव गाहाइ बिथोनगिरि (इएमएस) केशव चन्द्र दैमारी, चिरांनि लोमो कमिसनार भास्कुर डेकाजों लोमोसे बिजिआरनि जिल्ला खुंथायारि बिबानगिरिफोरखो बाहागो लादों। हाबाफारियाव चिरां जिल्लानि गुबुन गुबुन फरायसालिनि सा 56 फरायसाफोर आरो सा 6 फोरोंगिरिफोर बाहागो दफायोमोन। मख'नो गोनांदि, आसाम सरकारनि आरहन बिथांखि थांखिआ जाबाय- गोजान जान्थायनि, गामियारि आरो निखारनि नख'रनि मेलेम गोनां फरायसाफोरखौ सिनायथिनाने बिसोरनि सोलेंथायारि केरियाखौ नायसंनयनि आरो बिजिरनायनि गेजेरजों इयुनआव सासे सुबुं सम्फद सोजिहोनाय।□

ड० शासनबंश महातेरानि रुंसारि जानायाव गिबि मन्थिआ दुखु...

खुंथायखौ गोखों खालामनयनि बिथिडव भदन्त धर्मल ७ शासनबंश महातेरआ मख'जाथाव बिहोमा होलांदों। पाली रवआव एबा बौड बिजाबफोरखौ असमीयाआव रव सोलायनाने बिथाड जौनि थुनलाइखौ जौगाखां होदों। असमीया रवआव बौड थुनलाइ सावरायलायनायाव मोनसे गोदान गुथाल सोजिनाने बिथाड सान्थीआरि जिउ खानाय बिथाखौ गोखों खालामनयनजों लोमोसे मोनन जोलैखौ सिगांलांहोनायनि बिथिडवबो लामा दिन्थिदोंमोन। सासे आध्यात्मिक सुबुं आरो थुनलाइगिरिनि रुंसारि जानाया आसामनि समाजारि आरो आध्यात्मिक बिथिनि थाखाय मोनसे सुख'हायै ख'हा होनानेबो बिथाड लोमोसे बुंदों। गिबि मन्थिआ धोरमगुरुनि रुंसारि जानाय जिउमाखौ गोजोननि थाखाय इमोरनाव अर'ज खालामनयनजों लोमोसे दुखुजों साग्लोबसारनाय नख'रनिसिमबो गोसो-गोर्बजों दुखु फोरमायहरदों।□

बीरबलनि सल'बाथा कुसि देववार रामसियारी

सोलोनि आनजाद



फारसेथि जैरै बीरबलआ सम्राट आकबरनि मन्थि गुबुन फारसेथि बियो सम्राटनि मानव गेदेरबोमोन। बनि मुंआ जेरावबो गोसारादोंमोन। बनि सोलो आरो रोंगोथिनि खोथाया बै टुरस्कनि सुलटाननि खोमायावबो गोरलैहेंदोंमोन। सुलटानआ बीरबलखौ नायनो जोबोर लुबैदोंमोन नाथाय बायदि जाहोनाव भारतसिम फेनाने बीरबलखौ नायफेनो हायाखैमोन। टुरस्कनि सुलटान आरो दिल्लीनि सम्राट आकबरआ जोबोर लोमोमोन। बियो बीरबलखौ हेंहरनाने बुंबाय-'बीरबल। आनि लोमो टुरस्कनि सुलटानआ नोंखौ बनि हादोरसिम लेंहरदों, बेनिखायनो नों थानो थाखाय थियारि जाबाय।' सम्राट आकबरनि खोथा बादिदैं मोजों सान नायै-हुयै बीरबलआ टुरस्कसिम थांदोंमोन। बीरबल थानाय खौरांखौ सिगांनो सम्राटआ सुलटाननो दैथायहरदोंमोन। बीरबलआ टुरस्क'मोनहैनाय लोमो लोमो सुलटानआ बिखौ मोनसे जोबोर गिदिर आलासि थाग्रा न'आ दोन्दोंमोन। बायदि रोखोमनि जाग्रा मेथाय, रंजानाय बाजानाय आरिजों बीरबलआ गिबि सानखौ हगार हरदोंमोन। नैथि सानाव बियो सुलटानजों नुजानायनि बिथोन मोननायसै। बीरबलआ नुजानाय सान खालि सुलटानआ बीरबलनि सोलोखौ आनजाद

नाइनो थाखाय मोनसे खामानि मावदोंमोन। बियो राजआफादनि सोद्रोमाफोरजों लोमोसे जफादोंमोन। राजआफादआ नुजाथिनायफोरनि बादि जानग्रा राडोंमोन। बियो जेब्लाबो ज'ग्रा मासिया लांदां जानाने दंमोन। सुलटानआ बिदि खालामनायाव राजआफादआव नुजाथिनाय गासैबो बनि फारसैं नोजोर होदोंमोन आरो गासै मानसिया सोमो नांदोंमोन। सुलटानआ नाथाय बेफारसैं गोसोखौनो होआखैमोन। बनि नोजोरा खालि बीरबलनि सायाव। बीरबलआ राजआफादआव हाबनानैने सुलटाननि मासिखौ लांदां जानाने थानाय नुदोंमोन। राजआफादआव नुजाथिनाय गासै मानसिफोरनिसिम नोजोर होना सुलटानआ बहा दं हमनो

हादोमोन आरो बनि सेराव थानाने खर' गंगलायहेंदोंमोन। ऐसबां मानसिनि गेजेराव साधारन सि गाननाने थानाय आरो खेबसेवो नुफेरै सुलटानखौ माबोरै सिनाय मोनखौ होनाना सोंनायाव बीरबलआ बुंनय-'महाराजा! आं बे राजआफादआ हाबफे नानैनो नोजोर होदोंमोन-'गासैबो मानसिया नोंथांनि फारसे नाइहरदों आरो नोंथाड नाइहरदों राजआफादनि गाहाय दरजानि मोखांसिम। होमब्लानो आं हमनो हादोंमोनदि-नो थाडा आनि सोलोखौ आनजाद नाइदों। बेनिखायनो नोंथांखौ सिनाय मोननायाव आंहा जेबो बेखाबु जायाखैमोन।' सुलटानआ बीरबलनि सोलोखौ बाखनायदोंमोन। गासैबो मानसिया बीरबलखौ जेथीनि होदोंमोन। फ्राय मस मोनसेसो सम बीरबलआ टुरस्क'नि सुलटाननि आलासि जादोंमोन। बनि सोलो आरो गियाननि खोथाया गासै बहुमावनो गोसारदोंमोन।□

वेलकाम-3 आव मजनु भाइ आरो उदय शेटीखौ नुनो मोनैनि जाहोना सोराडव फेटौं

बलिउड फिलम क्लबस्टार कमेडि सावथुनफोर वेलकाम आरो वेलकाम-2 आ साफ्रोमबोनि फेभरिज जादौं। गोबाव बोसोरनि उनावबो सशेल मिडियाआव बे सावथुनफोरनि सिन आरो डायलगा भाइरेल जाबाय थायो। एमइएमइ वलर्डनि फेभरिज जानाय बे सावथुनफोरनि सिक्वेलआ फेसिगोन। बावैसो समाव फेनाय खौरानि बायदिल्ला थाबैनो वेलकाम-3 नि शुटिखौ जागायसिगोन। नाथाय बे खेबनि सावथुनआव अनिल कापुर आरो नाना पटेकरनि मजनु भाइ आरो उदय शेटीनि फावखौ



नुनो मोननाय नंला। आथिखालाव बे स्टारफोरा सावथुननिफ्राय आलादा जानायनि जाहोना सोराडव फेटौं। मख'नो गोनांदि, वेलकाम-2 नि समाव मेकार फि'र'ज नाडियाडवाला नि माखासे गोरोथिनि जाहोनाव बे सानै स्टारफोरा सिक्वेलनिफ्राय

जानगराव थादौं। वेलकाम-3 निफ्राय अनिल कापुर आरो नाना पाटेकरनि बायजोआव थानायनि खौराडा थानाय माखासे साननिफ्राय इन्टारनेटआव साग्लोबसारदौं। गिबियाव रंनि

रादायखानाया गोरोथिनि जाहोनाव बिसोर सानैया वेलकाम-3 नि बाहागो जायाखै होना नुनाय जादौंमोन, नाथाय बेयो थार नड। बावैसो समाव इन्डिया टिभिनी अनिल कापुरनि खाथिनि सोमोन्दो थानाय सुलुआ खौरां होदौंदि, मेकार फि'र'ज नाडियाडवालाया सिगांनि सावथुननि समाव पेमेन्ट आरो गुबुन बिथिडव गोबां प्रफेशनेल नडैखौ गनायना लादौंमोन। सुलुआ फोरमायबावनाय बायदिल्ला वेलकाम-2 खौ बानायनाय समाव फि'र'ज

नाडियाडवालाया माखासे प्रफेशनेल नडैखौ गनायदोमोन, जायनि जाहोनाव अनिल कापुरआ वेलकाम-3 सावथुनआव फाव खालामनो गनायाखै। बेनि अनगायै प्रडाक्टनि मेनेजमेन्टआवो मोजां नडामोन, पेमेन्ट हरनायावबो गोबाव सम नांदौं आरो टिडिएसखौ हरनाय जायाखै, जायजौं रंखाथि बिथिडव स्टारफोरा ख'हा जादौं। अनिलनि अनगायै गुबुन फावगिरिफोर आरो टेक्निशियेननि सायावबो बे जेनाया जादौंमोन।

माहाम देहानि राहा

गगा मोननाय आरो गुजुनायनि जेनाजौं भुगिनांदौंब्ला लं आरो हाल्दैनि साहा लौंनो हागोन

बोथोरा आरोबाव खनसे जेना गोनां जादौं। सान्दु आरो अखानि गेजेराव सुबुंफोर भाइरेल इन्फेक्शननि मैहुर जादौं। बे समाव जुदि नोंथाड गावनि खाथि खालायाव नोजोर होयोब्ला गगा मोननाय गुजुनाय सुबुंफोरखौ नुनो मोनगोन। बेबायदियाव नोंथाड मुलिन अनगायै गावनो आलादा टिप्सखौ फल' खालामनो हायो, जाय भाइरेल इन्फेक्शननिफ्राय रैखाथि होनायाव मदत होयो हायो। भाइरेल एन्फेक्शनआव लं आरो हाल्दैनि साहा लोडोब्ला नोंथाड बे समाव माखासे जेनाफोरनिफ्राय आराम मोनो। गिबियाव नोंथाड गगा मोननाय गुजुनायनि जेना जानायाव गोजोनखौ हमदाडो आरो नोंथांनि समफलखौ मोजां खालामनाय आरो गाहामै हमदाहोनायाव मदत होयो।



होयो। बेनि जाहोनाव नोंथांनि गुजुनाया बाडय जायो आरो समफलआ आरामै थायो। बेनि अनगायै लंनि मोनसे जरखा गुणआ बेबोदि बेयो नोंथांनि हां लानायाव जानाय जेनाखौ बाडय खालामो। बेयो गोदोना माननायखौबो बाडय खालामो आरो भाइरेल इन्फेक्शननिफ्राय रैखाथि होयो।

सानायफोरखौ बाडय खालामो आरो नैथियाव बेयो समफलखौ साखोन-सिखोन लाखिनाय आरो जेनाखौ बाहाय खालामनायावबो मदत होयो। बेनि अनगायै हाल्दैआ इमिउनिटीखौबो गोखौ खालामनानै भाइरेल इन्फेक्शननिफ्राय रैखाथि होनायाव मदत होयो।

(2) हाल्दैआ एन्टी बेकटीरियेल आरो एन्टी एमफ्लेमेटरि गुणफोरजौं बुंफनाय आरो बेयो भाइरेल एन्फेक्शनआव जानो गोनां माखासे जेनाफोरखौ बाडय खालामनायाव मदत होयो बेयो गिबियाव देहानि सानायफोरखौ खालामो आरो देहानि

बिदिन्थि:- गिबियाव आदा सामस हाल्दै लानांगौं, बेयाव 6-7 लंखौ लागानांगौं आरो खानै दैआव होनांनै बेखौ मोजाडै फोमोनानांगौं। उनाव बेखौ सरनांनै लानांगौं आरो बे साहायाव एसे लेबु बिदै, संखि लागानांगौं बेनि उनाव बेखौ लौंनो हासिगोन।

परेश राभलआ अ माइ गड-2 आव फाव खालामैनि जाहोनखौ फोरमायदौं

परेश राभलआ आथिखालाव गावनि सावथुन 'ड्रिम गार्ल-2' खौ लानानै खौराडाव थाबाय थादौं। सावथुनआ 25 आगस्टआव सिनेमा हलफोराव साग्लोबसारनो थाखाय थियारि जादौं, जेयव आयुष्मान खुरानानि एक्टिंखौ गोबां सावरायनाय जादौं। परेश राभलआ गोबां समनि उनाव स्क्रिनआव साग्लोबसारना थानो थाखाय थियारि जादौं। बे समाव मोनसे इन्टारभितआव बियो माखासे बाध्राफोरखौ फोरमायदौं, जायखौ बिनि सोमोन्दै सुबुंफोर मिबथिनो हास्थायोमोन।



बयनिखुइ देरसिन सोंथिया बेमोनदि, 'अ माइ गड-2' सावथुनआव बियो मानो फाव खालामाखै? फारसेथिं बेनि फिननायखौ होनायाव परेश राभलआ एसेबो गोनी-गोथो जायाखैमोन। फावखुंगुर परेश राभलनिनाय जेब्ला मानो अएमजि-2 आव खालामाखै होना सोंथि सोडो, अब्ला

बियो बुंदौंमोनदि, गाव बे सावथुनआव नुनाय केरेक्टर कान्ति शरण मुदगलनिनाय अएमजिआव नुनो मोननाय कान्तिनि सायाव जायखौ हास्थायदौंमोन। बेनि जाहोनावनो गाव बे सावथुनआव फाव खालामाखैमोन आरो बेखौ पंकज त्रिपाठिआ दिन्थिदौंमोन। परेश राभलनि बायदिल्ला मोननैबो फावखौ ख'हा खालामनो हास्थायखैमोन। फारसेथिं परेश राभलआ गहाइ मन्थिनि बाय'पिकआव टाइटेल् रल प्ले खालामनो गोनांमोन।

नाथाय आथिखालाव सावथुनखौ दोन्थ'नाय जाबाय। बेनि जाहोनखौबो परेश राभलनिनाय सोंथि सौंनाय जादौं, जायनि फिननायाव बियो बुंदौं, सिगाडावबो बे आयदायाव गोबां सावथुनफोरखौ बानायदौं, बेनि जाहोनावनो प्रजेक्टखौ हल्लडआव दोननाय जाबाय। फारसेथिं ड्रिम गार्ल-2 आव नुनो मोननाय परेश राभलआ आयुष्मान खुरानाखौ गोबां बाखायदौं। बिनि बायदिल्ला गाव सावथुनआव आयुष्माननि फावखौ गोबां मोजां मोन्दौं।

शिल्पा शेटीनि सावथुन 'सुखि'खौ थाबैनो नुनो मोनसिगोन



मुंदांखा फावखुंफि शिल्पा शेटीआ 2020 आव सिल्लार स्क्रिनआव सावथुन हांगामाजौं फेफिनदौंमोन। आथिखालाव 3 बोसोरनि उनाव फावखुंफिआ आरोबाव खनसे फेमिली ड्रामा एन्टरटेनरआव फेफिनसिगोन। शिल्पा शेटीनि रिलिज जानो गोनां सावथुन 'सुखि' नि गिबि पस्टरखौ मावख'आरि इन्सटाग्रामआव शोयार

रिलिज खालामनाय जादौं। 'सुखि' नि पस्टरखौ नुनानै रोखायै हमदांनो हायोदि, शिल्पा शेटीनि सावथुनआव एन्टारटेनमेन्ट, ड्रामा आरो रमान्सनि मिक्सचरखौ नुनो मोनगोन। फावखुंफि शिल्पा शेटीआ गावनो गोदान सावथुन 'सुखि' नि गिबि पस्टरखौ गावनि मावख'आरि इन्सटाग्रामआव शोयार

खालामदौं। पस्टरआव शिल्पा नि मोनसे गिदिर पस्टरखौ नुनो मोन्दौं, जेराव बिखौ मिनिनाय नुनो मोन्दौं। शिल्पा शेटीनि बे सावथुनआ 22 सेप्टेम्बर रिलिज जागोन। बे सावथुनआव शिल्पा शेटीजौं लोगोसे मुंदांखा फावखुंफि अमित साथ आरो कुशा कपिलाखौबो नुनो मोनगोन। फेमिली ड्रामा सावथुनखौ सनल जशिया बिथोन होदौं, बेयो बिनि गिबि बिथोन होजेननाय सावथुन। सुखिखौ राधिका आनान्दआ लिखदौं आरो पाल'मि दत्तआ स्क्रिनप्लेखौ लिखदौं। फेमिली ड्रामा सावथुन सुखि'आव शिल्पाखौ सासे 38 बोसोरनि पान्जाबि हाउसवाइफनि फावआव नुनो मोनगोन।

रिलिजनि सिगांनो गुबुन हदतफोराव शाहरुख खाननि सावथुन जवानआ गोबां रं आरजिदौं



'पाठान'नि उनाव शाहरुख खाननि सावथुन जवानखौ लानानै फेन्सफोर गोबां एक्साइटेड जादौं। जवाननि माखासे पस्टरफोर आरो ट्रेलरआवो सोराडव फेटौं जाय फेन्सफोरनि एक्साइटेमेन्टि लेभेलखौ आरोबाव बांहोदौं। बे सावथुनआ रिलिज जानो थाखाय माखासे सानल' आद्रा दंसे। नाथाय सावथुननि एडभान्स बुकिंआ आथिखालाव जागायबाय। बे सावथुननि क्रेजखौ भारतनि अनगायै गुबुन हदतनि सुबुंफोरनि गेजेरावबो नुनो मोन्दौं। बावैसो समाव फेनाय रिपर्टनि बायदिल्ला जवान सावथुननि एडभान्स बुकिंनि गुबुन हदतनि अन्जिमाया जेब्ला सोराडव फेटौं अब्ला बियो गोबां गोमोहोनी हागौं। पाठान सावथुननि दोहौं गोनाडै जाफुंसारनायनि उनाव हमदांनो हायोदि, शाहरुखआ बे खेबआव बक्स अफिसआव गावखौनो सेलेन्ज होगोन। जवान सावथुनआ सुबुंफोरनि खर' मेलेमआव ओरैबायदि गोहोम खोखौदौंदि, जायनि अन्जिमायाबो सोराडव फेटौं। रिपर्टनि बायदिल्ला सावथुन जवाननि एडभान्स बुकिंआ से दान सिगांसो जागायदौं। बे सावथुनखौ गुबुन हदतआव 2 डि, एक्सडी आरो आइमेक्स प्लेटफर्मआव हिन्दी, तामिल आरो तेलुगु रावफोरा नायनो हागोन। बेनि अनगायै बे सावथुननि सिगांनि सपाहयाव इउएडआवबो बुकिंखौ जागायदौं। एडभान्स बुकिंखौ आमेरिकायाव गासै 367 जायगाफोराव जागायदौं। गिबि सानआव गासै 1600 स्वआ लाइनआव दड। 24 आगस्टनि फुंसिमाव गासै 9700 टिकेटफोर बुकिं जाखांबाय। बे बायदियाव हमदांनाय जादौंदि, सावथुननि बक्स अफिस कालेक्शनआ 1.2 कौटि जानो हागौं।

मिका सिंआ देहा गात्रि जानायनि जाहोनाव कौटि रंनि ख'हा जानांदौं




मीका सिंह की तबीयत बिगड़ी

सावथुनआव गोबां देंखो रोजाबखंबाव देंखोगि मिका सिंखौ लानानै गिदिर खौराड सोराडव फेटौं। मिका सिंआ थानाय माखासे साननिफ्राय बेरामआव गोलैदौं। मीडिया रिपर्टनि बायदिल्ला मिका सिंनि गोदोनायाव इन्फेक्शन जादौं। खौरानि बायदिल्ला मिकाया गावनि देहायाव एसेबो जोथोन लायाखै, जायनि जाहोनाव बिनि देहाया गात्रिसिन जादौं। मिकाया बेरामाव गोलैनायनि जाहोनाव

ख'हाबो जानांदौं। देहाया गात्रि जानायनि जाहोनाव मिका सिंआ माखासे कन्सार्टखौ फेलें खालामनांदौं, जायजौं गोबां ख'हा जादौं। बेनि सोमोन्दै बाध्रा सावथुननानै बुंदौं, मोनसेनि उनाव मोनसे स्वफोरखौ खालामनायनि जाहोनाव आराम खालामनो मोनाखै आरो देहाया गात्रिसिन जादौं। जोबथा स्वआ डलासआव जादौंमोन आरो बेवहाय गुसु जानायनि जाहोनाव देहाया हरखाबै गात्रिसिन जादौं। बेनि गोहोमा गोदोना आरो

80 जौथाइनि समाव सानि देअलनि मुडा अमृता सिंजौं गोबां सरजाबजादौंमोन

बलिउडआव सानि देअलखौ गोबाव बोसोरनि उनावबो सिगांनि बायदिनो अन्सायनाय जायो। नाथाय मोनसे समआ ओरैबायदिमोन जेब्ला सावथुन मुलुगआव सानिखौ गोबां सावरायनाय जायोमोन। सानथुननि अनगायै सानिनि मुडा एफे यारखौ लानानैबो गोबां खौराडव थादौं। जेराव बिनि मुडा अमृता सिंजौंबो सरजाबजादौंमोन। मोनसे समाव जेब्ला सानिनिनाय अमृताखौ लानानै सोंथि सौंनाय जायो



अब्ला बियो रगा जौंदौंमोन। अमृता सिं आरो सानि देअलनि थाखाय 1983 आ जरखा बोसोर जादौंमोन। बे बोसोराव बिसोर सानैआ लोगोसेयै 'बेताव' सावथुनजौं डेब्यु खालामदौंमोन। बे सावथुनआ हिट फोरमान जादौं आरो बिसोर सानैआ सुबुंफोरनि गोसोखौ देरहानो हादौंमोन। बिसोर सानैआ गोबां मुंदांखा जादौं आरो बिसोरनि जराया सुपारहिट जादौं। 80 जौथाइआव अमृता सिंआ सावथुन मुलुगआव गावनि जरखा जायगा आवगिदौंमोन। बियो बै समाव सावसिन फावखुंफिफोरनि फारिलाइआवबो थाफादेरोमोन। जरखा बाध्राया वेदि अमृतानि सावथुनफोर आरो एक्टिंफोर गोबां खौराडाव थानायजौं लोगोसेनो एफे यारआवो खौराडव थाबोदौंमोन। मीडिया

रिपर्टनि बायदिल्ला 'बेताव' सावथुननि उनाव जेब्ला सानि आरो अमृता सिंआ नैथि सावथुनआव फाव खालामो अब्ला बिसोर सानैआ मोजां मोनलायो। बिसोर लोसैयै डेटबो खालामदौंमोन। नाथाय मोनसे मेगाजिनआव सेबखांजानाय सावगारिफोरा बिसोर सानैनि सोमोन्दोखौ सिफायो। सानि देअलआ सिगाडावबो जुलि जाखानायमोन। नाथाय बे बाध्राखौ बियो दोनखोमाना दोन्दौंमोन। गावनि बिसिजौं लोगो हमनो बियो शुटिनिफ्राय ब्रेक लानानै सम-सम लन्दनआव थाडोमोन।

सानसेखालि सानि आरो बिनि बिसिनि सावगारिफोरा मोनसे मेगाजिनआव सेबखांजौंदौंमोन आरो बेनि उन्निफ्रायनो अमृताजौं बिनि सोमोन्दोआ बायदौं। सानिआ सावथुन 'जशिले' नि शुटि खालामदौंमोन। बै समाव सेटआव बियो मोनसे इन्टारभित होदौं। बे इन्टारभितआव अमृताजौं एफेयारनि सोमोन्दै सोंथि सौंनायखौ खोनानानै बियो रगा जौंदौंमोन। बियो बे रोखोमनि खौराडा फैयाव थायो नाथाय जेब्ला सुबुंफोर बेबायदि बाध्राफोरखौ लिरो अब्ला गाव गोबां रागा जौंडो होन्ना बुंदौंमोन।

प्रियंका चप्रानि हलिउड सावथुन लाइभ एगेनखौ नेटप्लिक्सआव नायनो हासिगोन



प्रियंका चप्रा जनासनि बलिउडआव माल्बा फेफिनगोन बेखौ रावबो मिबथिया। नाथाय बियो लान्थियै आमेरिकायाव हाबा मावगासिनो। बावैसो समाव बिनि वेब सिरिजआ एमाजन प्राइमआव रिलिज जादौंमोन। बेनि सिगां बिनि हलिउड रमान्क कमेडि सावथुन लाभ एगेनआ सोलिफु बोसोरनि मे दानाव सिनेमाहलफोराव रिलिज जादौंमोन। उनाव बे सावथुनखौ जि 5, एमाजन प्राइम भिडिअ, गुगल प्ले आरो इउटुब बायदि भारतीय स्ट्रीमिं प्लेटफर्मआव नुनो मोन्दौंमोन। नाथाय पे-पर-भित एबा रेन्टलनि सायाव बिथा खालामनानै बेखौ थोजासे खालामनाय जादौंमोन एबा सावथुनखौ नायनो थाखाय रं होनांगौ जादौंमोन। नाथाय आथिखालाव लाभ एगेनखौ फ्रि स्ट्रीम खालामनाय जासिगोन। थाबैनो भारतीय अटीटी प्लेटफर्मआव लाभ एगेनखौ बेसेननाडै नुनो मोनसिगोन। मिडियाआव फेनाय खौरानि बायदिल्ला, बे सावथुनआ 20 सेप्टेम्बरआव नेटप्लिक्सआव रिलिज जागोन। जेराव बेखौ नायनो थाखाय जेबो चार्ज नानाय नड। जायनिनाय बे अटीटीनि साब्सक्रिप्शन थागोन बिनो बेखौ नायनो हागोन। जिम्स सि. स्ट्रसनि गेजेरजौं बिथोन होनाय लाभ एगेनआ मोनसे रमान्क कमेडि सावथुन, जाय मिर रे, प्रियंका चप्रा, मुनि सासे आइजोनि सल'।

नाइजेरियानि बर्न राइज्योआव उतखारिफोरा सा 42 आइजोफोरखौ लांखारदों

गोदान दिल्ली, 24 आगस्ट : नाइजेरियाआव उतखारिफोरा गोखें ये बांबोगासिनो । उतखारिफोरजों गोखोडे चुजिगासिनो थानाय बे हादतआव माखासे गिदिर जाथाइफोरखो जागासिनो । बिब्दिनो नाइजेरियानि बर्न राइज्योआव उतखारिफोरा गालोबदों आरो खमैबो सा 42 आइजोफोरखौ लांखारदों । जायगानि सुबुंफोरा खौरंगिरिफोरनो बे खौरांखौ फोरमायदों । नोगोरारि जुथाइ हाबाफारि सान्थि हान्जा अबानि बायदिब्ला, बिसोर लांखारजानाय आइजोफोरा बर्नि जेरे जिल्लायाव मोनसे दंफां बारियाव बन बुथुमहैदोंमोन । बे समावनो उतखारिफोर गालोबो आरो आइजोफोरखौ लांखारो । बे जायगाया उतखारि आफद बक' हरामनि मैखोम थाप्रा जायगा, जायफोरा बैयाव 14 बोसोरनिफ्रायनो गावसिनि



उतखारि हाबाफारिफोरखौ मावफुजे । जायगानि सुबुंफोरा मिबथिहोनाय बायदिब्ला, बिसोर आइजोफोरा माफा जिल्लानिमोन । बिसोर रिफिउजि केम्पफोरव थानाने आरो बन फान्नाने जिउ खुंदोंमोन । जिल्लानि सरकारि बुंथिगिरि कचाला मैदुगुआ जाथाइखौ रोखा खालामनाने बुडेदि, जाथाइया मंगलबारवनो जादोंमोन, नाथाय बेनि खौरांखौ

बुधवारनि मोनायाव मोन्दों । बिथामोनहा मिबथिनो मोननाय बायदिब्ला गासै सा 46 आइजोफोरखौ लांखारदोंमोन । नाथाय बिसोरनि गेजेराव सा 4 खौ न'आव हगारिफिन्दों आरो आद्रा सा 42 आ उतखारिनि जिम्मायाव लांजायो मैदुगुआ बुंवावदोंदि, उतखारिफोरा बिसोरखौ हगारनो थाखाय साफायाव 50,000 नायर (55 टुलार) दाबि खालामदों ।

खौरांनि बायदिब्ला जायगानि सुबुंफोरा आइजोफोरखौ खम रंआवनो मोननायनि सोमोन्दे उतखारिजों सावरयदों । रैखाथि हान्जा सुकानि बायदिब्ला उतखारिफोरा बेनि सिगां बै ओन्सोलाव आबादारिफोरखौ रैखाथि होग्रा रैखाथि हान्जाफोरखौ नेना थानाने गालोबदों आरो बेनि माखासे घन्टा उनावनो आइजोफोरखौ लांखारो ।

पान्जाब सिमनायाव पाकिस्ताननि ड्रनजों हिडन गारखलायदों

छन्डिगड, 24 आगस्ट: पान्जाबआव सिमना बासनायथिनफ्राय हिडन स्मार्गिलिं खालामनाय जाथाया बांसिन जाबेदों । पान्जाब पुलिस आरो बिएसएफनि सांग्रां हाबा माववाय थानायनि गेजेरावबो पाकिस्ताननिफ्राय हिडन स्मार्गिलिं के सआ आथिखालाव नुजाथिगासिनो । बिब्दिनो थानाय बुधवारखालि पाकिस्ताननि ड्रनजों पान्जाब हिडन दैथायहरनायनि मोनसे भिडिअखौ नुनाने बयबो सोमोनादों । बे भिडिअखौ पान्जाब पुलिसआ शेरार खालामदों । बुधवारआव पान्जाब पुलिसआ शेरार खालामनाय भिडिअआव गंसे पाकिस्ताननि ड्रनआ हिडननि मोनसे फिसा पेकेटखौ हायाव गारखलायहरनाय नुनो मोन्दों । बे जाथायनि सायाव पुलिसआ बुंदोंदि, सिमना बासनायनिफ्राय साननि समावनो फेग्रा मुवा दैथायहरनाय आरो स्मार्गिलिंआ रैखाथि हान्जाफोरनि थाखाय



मोनसे गोदान सेलेन्स । गिबि खेब भारतनि सिमना सिडव पाकिस्ताननि स्मार्गलारफोरनि फेग्रा मुवानि पेकेटखौ ड्रनजों गारखलायफैनायनि भिडिअआ सोराडव फैदों । सरासन्सायै पाकिस्ताननि स्मार्गलारआ हरनि खाबु लानाने आरो अखानायसि समाव हिडननि पेकेटफोरखौ भारतीय ओन्सोलफोराव गारखलायफैयो । सिमना रैखाथि

हान्जा (बिएसएफ) आ पान्जाबआव भारत-पाकिस्तान सिमनानि साखाथियाव माखासे ड्रनफोरखौ गावखलायनो मोन्दों । भिडिअआव हिडननि मोनसे पेकेटखौ ड्रननिफ्राय गारखलायहरनाय नुनो मोन्दों आरो बेयाव केमेराबो दंफयो होनाने सन्देह खालामदों । तरन-तरनि गागि पुलिस कमिसनार गुरमित सौहानआ फोरमायदोंदि,

पुलिसआ जुगराज मुनि सुबुंनिफ्राय 2 कि:ग्रा: हिडनजों लोगोसे गंसे ड्रन बोखानो हादों । बिथाड फोरमायदोंदि, पुलिसआ मोनसे भिडिअ मोनो हादों, जेराव साननि समावनो हिडननि पेकेटखौ ड्रनजों लाबोनाय नुनो मोन्दों । पुलिसआ फोरमायदोंदि, पाकिस्ताननि स्मार्गलारफोरा आथिखालाव खावसे कि:ग्रा:सो हिडनखौ दैथायहरो । बे स्मार्गिलिंआ रैखाथि हान्जाफोरनि थाखाय मोनसे सेलेन्स । पुलिसनि बादिब्ला, बेयो मोनसे फिसा ड्रन, जाय गोजू थाखोसिम उरायनो हायो आरो हरनिखुड सानआव बेनि सोदोबखौ खोनानो मोननाया गोब्राव । जुगराजनि साखाथियाव मोननाय ड्रनआ गाहायाव गोर्लैदोंमोन होनाने पुलिस बिबानगिरिफोरा फोरमायदों ।

आडानी गुपआ रंखाथि बोसोरनि गिबि 3 दानाव गोखों मुलाम्फा मोन्दों

गोदान दिल्ली, 24 आगस्ट: आडानी गुपनि थाखाय मोनसेबाव गोजोन्थाव खौरां । सोलिफु रंखाथि बोसोरनि गिबि 3 दानाव (एप्रिल-जुन) कम्पनीनि इबिआइटिडिआव गोखों मुलाम्फा नुनो मोन्दों । बेयाव गिबि 3 दानावनो बोसोरनि सायाव बिथा खालामनाने 42 जौखोन्दो बांनय नुनो मोन्दों । आडानी गुपआ बुधवारआव बेखौ मिबथिहोनाने बुडेदि, बेनि उरां गाथोननिफ्राय लानाने मोब्लिब आरो जाहास गाथोननि फोथारव बै दान 3 आव मोजां मुलाम्फा जानो हादों । कम्पनीनि मिबथिहोनाय बायदिब्ला, एप्रिल-जुन दान 3 आव 23,532 कौरिट गं इबिआइटिडि



मुलाम्फा थिसन्नो हादों । मख'जाथावदि, आडानी गुपनि गं 10 कम्पनीफोरनि शेरार बाजारफोरनि फारिलाइयाव दड। बेयाव आडानी एन्टरप्राइजेज लिमिटेड, आडानी पर्टस एन्ड एसइजेट लिमिटेड, आडानी ग्रीन एनार्जि, आडानी पावार लिमिटेड, आडानी एनार्जि

सल्युसन्स आरो आडानी ट्टेल गेसआबो दंफयो । गुपनि शेरार हल्लारफोरा टप 10 फारिलाइयाव थानाय कम्पनीफोरनि गं 5 नि शेरारखौ जिकिउजी पाटनार्स बायदि इन्भेस्टफोरनो फान्दों । बेजों गुपनि कम्पनीफोरनि शेरारव साबसांनय फैदों ।

रासियानि हेफाजाबगिरि भेगनार गुपनि गाहाइ येवेगनी प्रिगझिनआ उरां जाब्रबथाइयाव जिउ गोमाबाय

गोदान दिल्ली, 24 आगस्ट: रासिया आरो इउक्रेनिन दावहाया सोलिबाय थानायनि गेजेराव रासियानि फारसेनिफ्राय दावहानांनय भेगनार गुपनि चीफ येवेगनी प्रिगझिनआ मोनसे उरां जाब्रबथाइयाव जिउ गोमाबाय होन्ना खौरां मोननाय जादों । मिडिया रिपोर्टफोरव बुंदोंदि, रासियानि राजथाननि मरकजों नांजाबनाय सेन्ट पिटर्सबार्गआव थांनो उरांजों थांदोंमोन



प्रिगझिनआ । स'से थानाने उरांआ हरखाबै 8 रोजा फुट गाहाइयाव फैयो आरो केश जायो । बे

जाथाइआ हरखाबै जादों आरो माबोरै जादों बेखौ मिबथिनो हाथवाखे । उरां जाहाजआव

प्रिगझिनजों लोगोसे सा 10 सुबुंफोर दंमोन । बिसोर गासैबो जाब्रबथाइयाव जिउ गोमादों होन्ना बुंनय जादों । प्रिगझिन गाखोनाय उरांआ प्राइभेट जेटमोन होन्ना मिबथिनो हादों आरो बेयो गंसे एम्बायर लेगेसी 600 एगिजिकुटिभ जेटमोन । फ्लाइट ट्रेकिं डाय वेबसाइट फ्लाइटडार 24 नि बायदिब्ला, बे उरांआव बिरखां जेन्नायनिफ्राय 30 मिनिटसिम जेबो जे'ना जायखैमो । नाथाय बेलासिनि 3:19 रिगायाव उरांआ हरखाबै गाहायाव गोर्लैयो । अखानिफ्राय 30 सेकेन्डनि गेजेरावनो 28 रोजा

फुट गोजौआव बिरनाय उरांआ 8 रोजा फुट गाहाइयाव गोर्लै फेयो । बे उरांखौ बानायनाय ब्राजिलनि कम्पनी एम्बायर एसएया मोनसे फिननाय फोसावनाने बुंदोंदि, बियो 13 मासि गोनां बे उरांखौ जायखि जाया सिबिथाइ होनायखौ बन्द खालामखाबायमोन । कम्पनीआ रासियानि हेंथायै हादतनि सिंआव होबथानाय खाथिखौ मानिना सोलिलदोंमोन । रिपोर्टनि बायदिब्ला, प्रिगझिनआ जेव्ला पुतिनि हेंथा गसंदोंमोन अब्लानो बै लाग्रजि जेटखौ बेलासुसआव लानाने दोनहैदोंमोन ।

भारत सरकारनि मोनसे थांखिजों नेपालआव जेना सोमजिदों



गोदान दिल्ली, 24 आगस्ट : टपेट'नि बेसेन बांनयनि गेजेराव भारतनो टपेट' दैथाइहरनायनि थोरैनो नेपालआ जौनो मदत होदों, नाथाय भारत सरकारनि मोनसे थांखिजों नेपालआ गावनो गिदिर जेनायाव गोर्लैदों । भारतनि सामब्राम गोजानि सायाव 40

जौखोन्दो दैथाइहरनाय टेक्सखौ लागायनायनि उनाव नेपालआ सामब्राम गोजानि गोबां खम जानायजों मोगा-मोगि जानादों । नेपालनि गाहाइ खौरां बिलाइ 'काठमान्डु पस्ट'नि खौरांनि बायदिब्ला भारतआ थांनय सप्टाहायाव गुबुन हादतनि

फाननायखौ होबथानो थाखाय 31 डिसेम्बरसिम सामब्राम गोजानि सायाव 40 दैथाइहरनायनि टेक्सखौ लागायनाय जादोंमोन । बे थांखिखौ फेनो गोनां फोखोफोरनि सायाव नोजोर होनाने बेसेनफोराव बांगोननि सन्देहनि गेजेराव लानाय जादों । भारतनि 40 जौखोन्दो दैथाइहरनायजों बयनिखुड बांसिन नेपालनि सायाव गोहोम गोर्लैयो । कालिमाटि फल एबा मैंग बाजारारव माखासे फालांगिरिफोरा सामब्राम गोजानि हरखाबै बाडाइ जानायनि खौरांखौ होदों ।

सा करियाआ गोलाव जान्थाइनि गोदान रकेट लन्च खालामदों



प्यंयां, 24 आगस्ट: सा करियानि तानाशाह किमजंआ लान्थियेनो मिसाइल आन्जाद आरो रकेट लन्चिं खालामनाने मुलुगुखौ सोमोनाहोदों । बिनि बे हाबाफारिजों नसुंसे हादत जापान आरो खोला करियाआ गोबां जेनायाव थायो । बे खेबआव सा करियाआ गोलाव जान्थाइनि रकेट आन्जाद नायनाने सोमोनाहोदों । सा करियाआ बृहस्पतिबार फुंआव गोलाव जान्थाइनि रकेट लन्च

सेटेलाइटखौ जाफुंसार महरे आन्जाद नायदोंमोन । बेनि उनाव थाबैनो सेटेलाइट लानाने थांग्रा रकेटखौ लन्च खालामनायनि बाश्रा बुंदोंमोन । बेनिफ्राय गोदाने बे रकेटखौ लन्च खालामो । मख'जाथावदि, खोला करिया, आमेरिका आरो जापानआ बावैसो सिगां जुथाइ सान्थियारि हुदाखौ जागायदों । बेखौ लानाने सा करियानि तानाशाह किम जंआ गिखंदों । सा करियानि गुन्दासा गोहो बांनोनाय आरो मिसाइलनि खेफोदखौ फिननाय होनायनि थांखिजों खोला करिया आरो आमेरिकानि सान्थिफोर थांनय समाबारव 11 साननि हाबाफारिजों उल्वी फ्रिडम गाडियान ग्रीस्मकालिनि ट्रेनिंखौ जागायदों । बेखौ लानाने सा करियाआ गोखों आजदवो होदोंमोन ।

जाग्रा लौग्रा मुवा-बेसादफोरनि बैसेना बांगसिनो दड

गोदान दिल्ली, 24 आगस्ट : दासान्दि हादतनाडे बेसेन बांनयाव जोबथा थाखोयाव सौहैदों । जाग्रा-लौग्रा मुवा-बेसादनि बेसेना सानफ्रोमबो बांसिनगासिनो दड। रिजार्भ बेंक अफ इन्डियानि फारसेनिफ्राय बेनि सोमोन्दे खौरां होदों । आरबिआइनि गभर्नर शक्तिकान्त दासआ थांनय बुधवारखालि जाग्रा आदारनि बेसेनफोराव बांनयखौ मुद्रास्फोतिनि सायाव सामलायनायनि लामायाव अलखद गोनां होन्ना फोरमायदों । बिथाडा बुंदों, बेबायदि बांनयाव दावखलायनाय लाबोनो थाखाय ज'गायना होनायखौ साबसांनोनाय थाखाय समखौ थि खालामनो नाजानायनि

गोनांथि दड । मख'नो गोनांदि, मैंग-थाइगफोरनि बेसेन बांनयजों सरासन्सा सुबुंफोरा गोबां जेनाजों भुगिनादों । आथिखालाव किल'आव 140-180 बेसेननि टपेट'नि बेसेना 50-80 रानि लेभेलाव फे बाय । फारसेथि आथिखालाव सामब्राम गोजानि बेसेनाबो बांनयखौ नुनो मोनगासिनो दड । फेगौ सेप्टेम्बरनिफ्राय मैंग-थाइगफोरनि मुद्रास्फोति बिबाडा गोबां लासे जागोन । मैंग आरो जाग्रा आदारफोरनि बेसेन बांनयनि जाहोनाव मुद्रास्फोतिआ बांनाने 7.44 जौखोन्दो जायो, जाय 15 दाननि गेजेराव बयनिखुड बांसिन ।

तानाशाह किम जं उनआ हरखाव माय दुब्लियाव दावबायहैदों

प्यंयां, 24 आगस्ट : लान्थिये मिसाइल आन्जाद नायनाय आरो गिखंथाव गोलाव जान्थाइ रकेट लन्च खालामनाने गावनि गोहोखौ दिन्थिनाय किम जंनि आखुआ जेव्लाबो गालोबनाय जायो । बिथाडा जायखिजाया बाश्रायावनो रगा जौंखानोबो हागौ । हादतनि सोरबा गिदिर बिबानगिरि एबा गाहाइ मन्थियानो जाया मानो तानाशाह किम जंआ गावनि रागाखौ दिन्थिनो सा करियानि हादतगिरि जंखौ हरखाबै दै लोमसावनय दुब्लियाव नुनाने सुबुंफोरा सोमोनादों । बेलेस्टिक मिसाइल आन्जाद नायग्रा, लाग्रजि जिउ खुंग्रा दैदेनगिरिया दैजों बुंफबनाय माय दुब्लियाव दावबायहैदों । सा करियानि मिडियानि बायदिब्ला,



दैदेनगिरि किम जं उनआ गाहाइ मन्थिखौ गोखों रावजों रायखानायनि उनाव माय दुब्लियाव सौहैदों । मख'जाथावदि, सा करियानि सोनाब बोर्सिमनि दुब्लिफोराव दै बाना लोमसावनयखौ लानाने बिबानगिरिफोर आरो गाहाइ मन्थिनि गोखों एक्सन लायाखैमोन आरो गावसिनि बिबान नडेबायदि फिनजाथाय होदोंमोन । बेखौ लानाने जंआ

गाहाइ मन्थि आरो गागि बिबानगिरिफोरखौबो गोखों रावजों रायनाने थांदों । थांनय समबारव सोनाब बोर्सिम दै लोमग्रा ओन्सोलाव दावबायहैदों । बैयाव लैथोमानि दैया बावैसो सिगांआव बान्दो थेनायखौ सिर्लिंखार खालामदोंमोन, जेराव 270 हेक्टरनि बांसिन गुवार माइ आबादफोराव दै बाना जायो ।

नागा गोजोन सावरयनाया सोलिगासिनो दड



गोदान दिल्ली, 24 आगस्ट : भारत सरकार (जिअआइ) आरो एनएसएसिएन (आइएम) आ थांनय 23 आगस्टखालि गोदान दिल्लीयाव नागा गोजोन जथुमाखौ जागायजेनो, जेशव नागा फिर्फिलायनो सावरयनायनि गाहाइ आयदामोन । सुलुंनि बायदिब्ला बेनि सावरयनाया 25 आगस्टआव जागोन आरो बे सानावनो जोबथा महर होनाय जागोन । एनएसएसिएननि हान्जा, बेनि एटकिलनसार आरो गाहाइ सावरयगिरि टुइलें मुइभानि

दैदेननायाव दिल्लीयाव थांनाने हान्जाया सरकारनि हान्जाजों सावरयदों । नागा गोजोन

सावरयमेलाव भारत सरकारनि थान्दे एके मिश्राया सरकारनि हान्जाखौ दैदेनदों । बे सावरयनायाव गाहायै आलादा संबिजिर आरो फिर्फिलानि आयदाखौ लानाने भारत सरकार

सात्विक-सिरागआ वर्ल्ड सेम्पियन-सिपनि क्वार्टर फाइनलाव सौहैबाय

निरज चप्राया वर्ल्ड सेम्पियनसिपआव बिमुनि थांखिजों बाहागो लागोन

गोदान दिल्ली, 24 अगस्त: मुलुगनि टय शाटलारफोर सोलिफु समाव वर्ल्ड बेडमिन्टन सेम्पियनसिपआव सेलेन्ज लाखिलायगासिनो दइ। बे दुर्नामेन्टिफ्राय भारतनि पिभि सिन्धु आरो किदाम्बि श्रीकान्तआ जेन्नाने जायखारनांबाय। नाथय बेबादि थासारिआवनो भारतनि स्टार डाबल्सनि जरा सात्विकसाइराज रेन्किरेड्डि आरो सिराग सेट्टिआ बे दुर्नामेन्टि राउन्ड अफ 16 आव सौहैदों। बिसेर सानैनि जराआ केनेथ झे हड सु आरो मि चुएन लिमनि अस्ट्रेलियानि जराखौ थोंजों सेटआव फेजेन्नाने फ्री-क्वार्टर फाइनलाव सौहैदों। बिथांमोननि अनगायै त्रिचा जली आरो गायत्री गपिचान्दनि जरायाबो चीना



ताइपेनि चां चिं हड आरो यं चिन टुनि जराखौ फेजेन्नाने आइजो डाबल्स के टेरगिनि थामथि राउन्डआव सौहैदोंमोन। सात्विक आरो सिरागनि नैथि नम्बरनि जराआ थानाय सिजनआव गिबि ब्रन्ज मेडल देरहादों। बिथांमोनहा अस्ट्रेलियानि बादायारि जराखौ

19 नम्बरनि जराआ गिबि राउन्डआव बाइ मोन्दोंमोन। बिथांमोननि जराआ 37 थि रेन्किनि चां आरो यानि जराखौ 38 मिनिटआव 21-18, 21-10 स्करआव फेजेन्दों। बिसेर सानैनि जराआ अल इलेण्ड सेम्पियनसिपनि थानाय खेबने सिजननि सेमिफाइनलसिमि सौहैदोंमोन। बे खेबआव बिथांमोननि जराआ चीनिन चिन किं चिन आरो जिया यि फाननि टप रेन्किनि जराजों बादायगोन। त्रिचा आरो गायत्रीनि जराआ गिबि सेटआव 2-5 स्करआव उन जादोंमोनब्लाबो आवगायफिन्ना 8-6 स्करआव आवगायफिन्दों। बेनि उनाव गावसोरनि मोजां फर्मखौ लाखिनानै बरेखा जयनि गोरोन्थिफोरखौ खावु लादों।

गोदान दिल्ली, 24 अगस्त: हांगेरिनि हाजथावनि बुदापेस्टआव वर्ल्ड एथलेटिक्स सेम्पियनसिप 2023 आ खुंजागोन। थानाय 19 आगस्टनिफ्राय जागायनाय बे दुर्नामेन्टआ फेगौ 27 आगस्टसिम सोलिगोन। भारतआ दासिमाव बे सेम्पियनसिपआव सनानि मेडल देरहायखौ। दासिमाव भारतआ बे सेम्पियनसिपआव गंसेल 'सिलभार' आरो ब्रन्ज मेडल देरहादों। 2003 आव अन्नु बबी जर्जाआ लं जाय इभेन्टआव ब्रन्ज मेडल देरहानायनि उनाव थानाय बोसोराव जेभलिन खुंजागोन। भारतीय सम बादिथे सान्जौफु नि 1.40 मिनिट रिगानिफ्राय क्वालिफिके सन राउन्डआ जागायगोन। बे राउन्डआव बेस्ट अफ 3 आव टप 12 आव जायगा आवगिनाय



हौवाफोरनि जेभलिन खुबैनाय इभेन्टआ फेगौ 25 आगस्टआव खुंजागोन। भारतीय सम बादिथे सान्जौफु नि 1.40 मिनिट रिगानिफ्राय क्वालिफिके सन राउन्डआ जागायगोन। बे राउन्डआव बेस्ट अफ 3 आव टप 12 आव जायगा आवगिनाय

लाइभ नुगोन। बिथांनि अनगायै दिपि मनु आरो किशर जेनाआबो हौवाफोरनि जेभलिन खुबैनाय इभेन्टआव मेडलनि थांखिजों आंखारगोन। 25 बोसोरनि निरजआ बे सिजनआव मोजां फर्मआव दइ। थानाय मे दानआव दहा खइमन्ड लीगआव बिथाइ 88.67 मिटर जान्थाय खुबैनाय सनानि मेडल देरहादोंमोन। बेनि उनाव निरजआ लुसानेआवबो सनानि मेडल देरहादों। अन्नाबो बिथाइ दासिमाव गावनि केरियारआव 90 मिटर जान्थाय गोजान खुबैनाय हायखौ। पाकिस्ताननि नदिम अशंदजों लीगोसे माखासे गेलेगिरिफोरा बे खेबनि सेम्पियनसिपआवबो बाहागो लागोन। बिथांमोनहा नाथय थानाय माखासे इभेन्टफोरव 90 मिटरनि जानसिन खुबैनाय हांखानाय।

भारतीय रेसलिं फेडारेसननि सोद्रोमाआ दानजादों

गोदान दिल्ली, 24 अगस्त: वर्ल्ड रेसलिं फेडारेसनआ भारतीय रेसलिं फेडारेसननि सोद्रोमानि मोन्थायखौ दानानै होबाय। भारतीय रेसलिं फेडारेसनआव बिसायख 'थि खुडैनि जाउनाव वर्ल्ड रेसलिं फेडारेसननिफ्राय बे थांखिजों लादों। रेसलिं फेडारेसननि सोद्रोमा दानजानायनि जाउनाव जानो गोनां रेसलिं सेम्पियनसिपआव भारतीय रेसलारफोर हादरनि फिर्फलाजों गेलेनो मोन्नाय नंला। भारतीय रेसलारफोरा फेगौ 16 सेप्टेम्बरनिफ्राय जानो गोनां



अलिम्पिक-क्वालिफाइ वर्ल्ड सेम्पियनसिपआव निउड्रेल गेलेगिरि महरै बाहागो लागोन। भारतीय रेसलिं फेडारेसननि बिसायख 'थि आफादगिरि बुज भुषन चरन सिनि मावनाय हाबाफारिआ जोबनायै

गुबुन राइज्योनि गोजौ बिजिरसालिआव अजद देखांनयनि जाउनाव गोजौसिन बिजिरसालिआ अक्खौ बन्द खालामनदोंमोन। जायनि जाउनाव दासिमावबो फेडारेसननि बिसायख 'थिआ खुंफुं जायाखौ। भारतीय रेसलिं फेडारेसननि बिसायख 'थिआ गोबां खेब बन्द खालामजाबाय। माखासे राइज्योफोरनि रेसलिं एस 'सिएसनफोरा बिसायख 'थि खुंनयानि प्रसेसआव गोजोन्याय गैया आरो बेनि जाउनावनो नमिनेसनलाइ गथायनायाव गोबां

खेब बन्द फोसावनादों। भारतीय रेसलिं फेडारेसननि बारग 'आफादगिरि चरन सिंहनि हाबा मावनाय समआ जोबनायनि उनाव दासिमावबो आफादगिरि सायख 'जायाखौ। जायनि जाउनाव एडहक कमिटीआसो फेडारेसननि हाबाफोरखौ नोजेर लाखिबोदों आरो बिसायख 'थि खुंनयानि थांखि लादों। फेडारेसननि बिसायख 'थिआ थानाय जुन दानआवनो खुंफुंजाओ गोनांमोन। नाथय रेसलारफोरनि धर्ना आरो गुबुन गुबुन राइज्योफोरनि रेसलिं एस 'सिएसनफोरनि अजद देखांनयाव आरो गोजौ बिजिरसालिफोराव बन्द फोसावजानायनि उनाव अक्खौ दोन्थ 'नादोंमोन। थानाय 12 आगस्टखालिबो रेसलिं फेडारेसनआव मोन 15 मासिनि थाखाय बिसायख 'थिआ खुंफुंजाओ गोनांमोन। नाथय बे बिसायख 'थिआबो माखासे जाहोननि थाखाय बन्द फोसावजादों। जेराव बारग 'आफादगिरि बृज भुषन चरन सिंहनि हान्जानिफ्रायबो आफादगिरि मासिनि थाखाय नमिनेसनलाइ गथायनायाव जादोंमोन।

जशाप्रीट भुमराहआ केप्टेननि डेब्युआव गोख्रोडै दिन्थिफुंदों

गोदान दिल्ली, 24 अगस्त: भारतीय क्रिकेट टीमनि स्टार फास्ट बलार जशाप्रीट भुमराहआ 327 साननि उनाव इन्टारनेसनेल क्रिकेटआव बाहागो जादों। बिथाइ गोलाव समनि उनाव क्रिकेटनि फोथारआव फिन गोख्रोडै दिन्थिफुंदों। टी-20 क्रिकेटनि केप्टेन महरै बिथांनि कामान्डावनो भारतनि टीमआ आयारलेन्ड हेंथायै गेलेनाय सिरिजआव देरहादों। बे मेचआव भुमराहआ गोख्रोडै दिन्थिफुंनयनि थाखाय प्लेयार अफ दा सिरिज बिमुनि थाखायबो सायख 'जादों। भारतनि थाखाय खेव 62 टी-20 इन्टारनेसनेलआव 74 उइकेट लानाय भुमराहआ गावनि केरियारआव नैथि खेव टी-20 सिरिजआव बे बान्थाखौ देरहादों। बिथांनि सिगां केप्टेन महरै डेब्युआव सुशेरेनाया 2010 आव बे बान्थाखौ देरहादोंमोन। भारतनि थाखाय बे फरमेटआव बांसिन प्लेयार अफ दा सिरिज देरहानाय रेकर्ड थिसनजानानै दइ। भुमराहआ नैथि खेव बे बान्था देरहानायजोंनो केप्टेन रहित शर्मानि समान रेकर्डआव सौहैदों। बिसेर सानैनि अनगायैबो युजवेन्ड सहल,



अक्सर पाटेल आरो हार्दिक पन्डियाआबो टी-20 इन्टारनेसनेलआव 2-2 बे बान्थाखौ देरहाखांवाय। भिराट कलहीआ दासिमाव बे बान्थाखौ खेव 7 आरो सुर्य कुमार यादव-भुबनेस्वर कुमारआ 3-3 बिमुं देरहाबाय। भुमराहनि बाथा बुडोला, 2022 नि सेप्टेम्बर दाननिफ्राय बिथाइ गिबिथि भारतीय टीमआव बाहागो जाफिन्दों। एसिया काप आरो वन्डे वर्ल्ड कापनि सिगां बिथांनि बाहागो जानया भारतीय टीमआव गोजोन्याय लाबोदों। भुमराहआ बे सिरिजआव केप्टेन्स डेब्यु महरै रेकर्ड थिसनजानानै दइ। भुमराहआ नैथि खेव बे बान्था बिथाइ सिरिजआव प्लेयार अफ दा सिरिज बान्थानि थाखायबो सायख 'जादों। भुमराहआ

आयारलेन्ड सिरिजनिफ्राय इन्टारनेसनेल क्रिकेटआव गोख्रोडै दिन्थिफुंदों। बेबादि थासारिआव गोबाडानो उननि समाव बिथांनिफ्राय गोख्रोडै दिन्थिफुंनयनि मिजिथि लादों। गावनि गिबि टी-20 नि 4 अभासआव भुमराहआ 24 रान होनानै 2 उइकेट लादों। बेनि अनगायै बिथाइ नैथि टी-20 आव 4 अभासआव 15 रान होनानै 2 उइकेट लादों। फेगौ 2 सेप्टेम्बरखालि पाकिस्ताननि हेंथायै जानो गोनां एसिया कापआवबो बिथांनिफ्राय टीमआव गोबां मिजिथि थागोन। बे मेचआव भुमराहनि नैथि वन्डे वर्ल्ड काप जागोन। बेनि सिगां 2019 आव बिथाइ टीमआव बाहागो मोन्दोंमोन।

जेस्विन एल्डिनआ वर्ल्ड एथलेटिक्स सेम्पियनसिपआव जायिमिन सोरजिदों

गोदान दिल्ली, 24 अगस्त: वर्ल्ड एथलेटिक्स सेम्पियनसिप 2023 नि फाइनलाव सौहैन्याय जेस्विन एल्डिनआ बे इभेन्टनि फाइनलाव सौहैन्याय गिबि भारतीय एथलीट जानो हाबाय। बिथाइ 8 मिटर जान्थाय बरानानै लं जायनि फाइनलाव सौहैबाय। एल्डिनआ फाइनलनि थाखाय क्वालिफाइ जानाय सा 12 गेलेगिरिफोरनि फारिआव जोबथा 12 नम्बरआव जायगा मोन्दों। मुस्ली श्रीशंकरआ 7.74 मिटर जान्थाय बरानानै गावनिफ्राय साबसिनै दिन्थिफुंनयनि रेकर्ड लाखिदोंब्लाबो फाइनलाव सौहैनो हायाखौ। आइजोफोरनि 1500 मिटर रेसआव केनियानि फेथ किपयेगनआ लान्थियै थामथि खेव वर्ल्ड सेम्पियन जादों। गुबुन फार्से हौवाफोरनि 3000 मिटर स्टिपल



चेजआव मरक्क 'नि बारग ' सेम्पियन आरो टकिग अलिम्पिक सेम्पियन सुफियान अल बक्कालीआ इउटपियानि वर्ल्ड रेकर्ड हलडार लामेचा गिरिमाखौ उनाव लाखिदों। हाइ जायमिआव टकिग अलिम्पिकआव काठारनि मुताज बारशिमजों लीगोसे जुथायै सनानि मेडल देरहानाय इटालीनि गियानमारक 'तान्बेरिआ जायगा मोन्दों। आइजोफोरनि जेजेराव गोख्रों बादायलायगोननि मिजिथि लादोंमोन। नाथय बे इभेन्टआव गिरिमाआ वर्ल्ड सेम्पियन जानायनि सिमांखौ खोमानाडो। मानोना अल बक्कालीआ 8.03.53 मिनिट समजों गिरिमानि 8.05.44 मिनिट समनिफ्राय साबसिनै दिन्थिफुंनयनि थांखिसिम सौहैदों। बक्कालीआ लान्थियै नैथि खेव वर्ल्ड सेम्पियन जाबाय। गुबुन फार्से गिरिमाआ बे खेबजों लान्थियै नैथि खेव सिलभार मेडलजोंनो गोजोनानदों। कमनवेल्थ गेम्सनि सेम्पियन केनियानि आब्राहम किबिततआ 8.11.98 मिनिट समजों थामथि फेजेन्नानै फाइनलाव सौहैदों।

भारतीय आइजो हकी टीमआ इलेण्डखौ फेजेन्दों

गोदान दिल्ली, 24 अगस्त: भारतीय जुनियर आइजो हकी टीमआ इलेण्डखौ 6-2 गलआव फेजेन्नाने दर्रबे हादरनि दुर्नामेन्ट उसेलेडफ 2023 आव थामथि नम्बरआव जायगा आवगिदों। भारतनि जानानै बे मेचआव 25 मिनिटआव मिलन, 26 आरो 43 मिनिटआव अनु, 35 मिनिटआव सुनेलिता टपनि अनगायै 38 मिनिटआव हिमा बान' आरो 40 मिनिटआव मुमतजआ गल सोदों। गुबुन फार्से इलेण्डनि जानानै क्लडिया स्वेनआ 16 मिनिट आरो साल्त बिनगेमआ 54 मिनिटआव 1-1 गल सोनो हादों। जागायजेन्नाय क्वार्टरआव मोननै बो टीमआ गोख्रोडै



दिन्थिफुंदोंमोन नाथय मोननैबो टीमआनो गिबि क्वार्टरआव गल सोलायनो हायाखौ। मोननैबो टीमनि डिफेन्सआबो गिबि क्वार्टरआव मोजां डै दिन्थिफुंनदों। नैथि क्वार्टरआव भारतआबो मोजां डै

फिल्ड गल सोनानै भारतखौ आवगायहोदों आरो मेचनि गेजेर समसिमआव भारतआ 2-1 गलआव आवगायदोंमोन। थामथि क्वार्टरआवबो भारतीय टीमआ गोख्रोडै दिन्थिफुंदों आरो पेनाल्टि कर्नारआव सुनेलिताआ गल सोनानै टीमखौ 3-1 गलआव आवगायहोदों हादों। बेनि उनाव हिना आरो मुमतजनि अनगायै अनुआ फारियै गल सोनानै भारतनि स्करखौ 6-1 आव आवगायहोदों। बेनि उनावसो बेरेखा टीम इलेण्डआ भारतनि सायव गोख्रोडै गाग्लोबो आरो बिनगेमआ गल सोनानै स्करनि फारागिथिखौ बाडइ खालामदोंब्लाबो टीमखौ देरहानायसिम आवगायहोदो हायाखौ।

इउएस अपेन कापआव मेसिनि मददजों मियामीआ फाइनलाव



सिनसिनाति, 24 अगस्त: आर्जेन्टिनानि मुदांखा फुटबलार लियनेल मेसिनि 2 गल सोनानयनि मददजों आरो उननि समाव पेनाल्टि क्रिकआव गल सोनानयजों इन्टार मियामीआ 2 गलनि फारागआव उन जानायनि उनाव आवगायफिन्नायै मेजर सक्कार लीगआव टपआव जायगा मोनाय सिनसिनातिखौ पेनाल्टि शूटआउटआव फेजेन्दों। 5-4 गलनि फारागआव पेनाल्टि शूटआउटआव देरहानानै मेसिनि टीम इन्टारमियामीआव इउएस अपेन काप फुटबल इभेन्टनि

फाइनलाव सौहैबाय। बे मेचआव सिनसिनातिआ जागायजेन्नाय समाव गोख्रोडै दिन्थिफुंनयने 2-0 गलआव आवगायजेन्दोंमोन। बेनि उनाव मेसिनि गोख्रों नाजानायजों लियनार्ड केम्पनानि गरनै गल सोनानयजों मियामीआ समान स्करआव आवगायफिन्दों। मियामीआ उफ्रा समनि थामथि मिनिटआव जसेफ मार्टिनेजनि गलजों आवगायदोंब्लाबो सिनसिनातिनि जानानै 114 मिनिटआव युया कुबआ समान स्करनि गल सोफिन्नायै इ खालामदों। जायनि फिथाइ महरै

गोदान दिल्ली, 24 अगस्त: फिडे वर्ल्ड काप चेज दुर्नामेन्टनि फाइनल मेचआव प्रज्ञानन्द आरो कार्लसननि गेजेराव जादों। बिसेर सानैबो फाइनलनि मेचआवबो नैथि मेचआव इ गेलेदों। फाइनलाव 18 बोसोरनि रमेश बाबु प्रज्ञानन्दनि हेंथायै मुलुगानि नम्बर 1 गेलेगिरि मेगनास कार्लसनआ गोख्रों सेलेन्ज होदों। नाथय सानैनि गेजेराव इ जानायनि उनाव 24 आगस्टखालि बिथांमोननि देरहानायखौ टाइ-ब्रेकनि गेजेरजों थांखि लासिगोन।

प्रज्ञानन्द आरो कार्लसननि गेजेराव गेलेनाय नैथि मेचआबो इ जादों



फिडे वर्ल्ड काप चेज दुर्नामेन्टनि फाइनलाव खेबनै क्लासिकेल मेच जायो। नाथय बे खेबनैआवबो गेलेगिरिफोरा इ गेलेयोब्ला

बिथांमोननि देरहानायखौ टाइ-ब्रेकनि गेजेरजों थांखि लानाय जायो। टाइब्रेकआव 25-25 मिनिटनि खेबनै मेच जायो। नाथय बेयावबो गेलेगिरिफोरा इ गेलेयोब्ला फिन 10-10 बेटसनि गेजेरजों थांखि लानाय जायो। जुदि बे बेटसआवबो सेम्पियनखौ थांखि लानो हायाब्ला 5-5 मिनिटनि मेच खालामनाय जायो आरो फिन 3-3 मिनिटनि मेचखौ गोनांथि जायोब्ला खुंनय जायो। फिडे वर्ल्ड काप चेज दुर्नामेन्टनि गेजेरजों साथाम गेलेगिरिफोरा

केन्डिडेटस दुर्नामेन्टनि थाखाय क्वालिफाइ जागोन। जायनि फारिआव प्रज्ञानन्दआ वर्ल्ड काप चेस दुर्नामेन्टनि फाइनलाव सौहैन्यायजोंनो केन्डिडेटसनि थाखाय क्वालिफाइ जादों। केन्डिडेटसआव गासै सा 8 गेलेगिरिफोर थायो। बेयाव देरहानाय गेलेगिरिआ फेगौ बोसोराव वर्ल्ड काप सेम्पियन चीनिन डिं लिरेनेजों सेलेन्ज लाखिगोन आरो बेयाव देरहानाय गेलेगिरिआ वर्ल्ड सेम्पियन फोसावजगोन। मख 'नो गोनांदि,

प्रज्ञानन्दआ फाइनलाव जायगा आवगिनायनि थाखाय सेमिफाइनलाव मुलुगानि थामथि नम्बरनि गेलेगिरि फाबियान' करुयानाखौ 3.5-2.5 स्करआव फेजेन्दोंमोन। बेजों लीगोसेनो बिथाइ फाइनलाव सौहैन्याय नैथि गेलेगिरि जादोंमोन। प्रज्ञानन्दनि सिगां बिस्वनाथन आनन्दआ वर्ल्ड कापनि फाइनलाव जायगा आवगिदोंमोन। नाथय बे खेबआव बिसेर सानैनि गेजेराव सासेआ बिमुं देरहागोन।